

四庫全書薈要

• 乾隆御覽本

史部

資治通鑑卷一百四十七 宋 司馬光 撰

胡三省 音註

梁紀三

起著雍困敦盡閏
逢敦牂凡七年

高祖武皇帝三

天監七年春正月魏潁川太守王神念來犇

為後神念
子僧辯有

功於興復張
本守式又翻

壬子以衛尉吳平侯蕭領軍將軍

詔吏部尚書徐勉定百官九品為十八班以班多者為

貴二月乙丑增置鎮衛將軍以下為十品凡二十四班
不登十品別有八班又置施外國將軍二十四班凡一

百九號

丞相太宰太傅太保大司馬大將軍太尉司徒
司空為十八班諸將軍開府儀同三司左右光

祿開府儀同三司為十七班尚書令太子太傅左右光
祿大夫為十六班尚書左僕射太子少傅尚書僕射右
僕射中書監特進領護軍將軍為十五班中領護軍吏
部尚書太子詹事金紫先祿大夫太常卿為十四班中
書令列曹尚書國子祭酒宗正太府卿光祿大夫為十
三班侍中散騎常侍左右衛將軍司徒左長史衛尉卿
為十二班御史中丞尚書吏部郎秘書監通直散騎常
侍太子左右二衛率左右驍游太中大夫皇弟皇子師
司農少府廷尉卿太子中庶子先祿卿為十一班給事
黃門侍郎員外散騎常侍皇弟皇子府長史太僕大匠

御太子家令率史令僕揚州別駕中散大夫司徒右長
史雲騎游騎皇弟皇子府司馬朱衣直閤將軍為十班
尚書左丞鴻臚卿中書侍郎國子博士太子庶子楊州
中從事皇弟皇子公府從事中郎太舟卿大長秋皇弟
皇子府諮議嗣王府長史前左右後四軍嗣王府司馬
庶姓公府長史司馬為九班秘書丞太子中舍人司徒
左西掾司徒屬皇弟皇子友散騎侍郎尚書右丞南徐
州別駕皇弟皇子公府掾屬皇弟皇子單為二衛司馬
嗣王庶姓公府從事中郎左右中郎將嗣王庶姓公府
諮議皇弟皇子之庶子府長史司馬蕃王府長史司馬
庶姓持節府長史司馬為八班五校東宮三校皇弟皇
子之庶子府中錄事中記室中直兵參軍南徐州中從
事皇弟皇子之庶子府蕃王府諮議為七班太子洗馬
通直散騎侍郎司徒主簿尚書侍郎著作郎皇弟皇子
府功曹史五經博士皇弟皇子府錄事記室中兵參軍
皇弟皇子荆江雍郢南徐五州別駕領護軍長史司馬

嗣王庶姓公府掾屬南臺治書侍御史廷尉三官謁者
僕射太子門大夫嗣王庶姓公府中錄事中記室中直
兵參軍庶姓府諮議為六班尚書郎中皇弟皇子文學
及府主簿太子太傅少傅丞皇弟皇子湘豫司益廣青
衛七州別駕皇弟皇子荆江雍郢南兗五州中從事嗣
王庶姓荆江等五州別駕太常丞皇弟皇子國郎中令
三將東宮二將嗣王府功曹史庶姓公府錄事記室中
兵參軍皇弟皇子之庶子府蕃王府中錄事中記室中
直兵參軍為五班給事中皇弟皇子府正參軍中書舍
人建康三官皇弟皇子北徐北兗梁交南梁五州別駕
皇弟皇子湘豫司益廣青衛七州別駕中從事嗣王庶
姓湘豫等七州別駕嗣王庶姓荆江等五州中從事宗
正太府衛尉司農少府廷尉太子詹事等丞積射強弩
將軍太子左右積弩將軍皇弟皇子國大農嗣王國郎
中令嗣王庶姓公府主簿皇弟皇子之庶子府蕃王府
功曹史錄事記室中兵參軍為四班太子舍人司徒祭

酒皇弟皇子公府祭酒員外散騎侍郎皇弟皇子府行
參軍太子太傅少傅五官功曹主簿二衛司馬公車令
胄子律博士皇弟皇子越桂寧霍四州別駕皇弟皇子
北徐北兗梁交南梁五州中從事庶姓北徐等五州別
駕湘豫司益廣青衛七州中從事嗣王庶姓公府正參
軍皇弟皇子之庶子府蕃王府曹主簿武衛將軍光祿
丞皇弟皇子國中尉太僕大匠丞嗣王國大農蕃王國
郎中令庶姓持節府中錄事中記室中直兵參軍北館
令為三班祕書郎著作佐郎揚南徐州主簿嗣王庶姓
公府祭酒皇弟皇子單為領護詹事二衛等功曹五官
主簿太學博士皇弟皇子國常侍奉朝請國子助教皇
弟皇子越桂寧霍四州中從事皇弟皇子荆江等五州
主簿嗣王庶姓越桂等四州別駕嗣王庶姓北徐等五
州中從事鴻臚丞尚書五都令史武騎常侍材官將軍
明堂二廟帝陵令嗣王庶姓公府行參軍皇弟皇子之
庶子府正參軍蕃王國大農庶姓持節府錄事記室中

直兵參軍庶姓持節府功曹史為二班楊南徐州西曹
祭酒從事皇弟皇子國侍郎嗣王國常侍南徐州議曹
從事東宮通事舍人南臺侍御史大舟丞二衛殿中將
軍皇弟皇子之庶子府君王府行參軍蕃王國中尉皇
弟皇子湘豫等七州主簿皇弟皇子荆雍等州西曹祭
酒議曹從事皇弟皇子西曹從事祭酒議曹祭酒部傳
從事嗣王庶姓越桂等四州中從事嗣王庶姓荆江等
五州主簿庶姓持節府主簿汝陰已陵二國郎中令太
官太樂太市太史太醫太祝東西治左右高方南北武
庫車府等令為一班又詔以將軍之名高卑舛雜更加
厘定於是各司奏置一百二十五號將軍以鎮衛驃騎
車騎為二十四班內外通用征東征西征南征北施外
中軍中衛中撫中護施內為二十三班鎮東鎮西鎮南
鎮北施外鎮左鎮右鎮前鎮後施內為二十二班安東
安西安南安北施外安左安右安前安後施內為二十
一班平東平西平南平北施外翊左翊右翊前翊後施

內為二十班是為重號將軍忠武軍師為十九班武臣
爪牙龍騎雲麾為十八班代舊前後左右四將軍鎮兵
翊師宣惠宣毅為十七班代舊四中即將十號為一品
智威仁威勇威信威威威為十六班代舊征虜智武仁
武勇武信武嚴武為十五班代舊冠軍十號為一品所
謂五德將軍者也輕車征遠鎮朔武旅貞毅為十四班
代舊輔國凡將軍加大者唯至貞毅而已通進一階優
者方得此位從公寧遠明威振遠電耀威耀為十三班
代舊寧朔十號為一品武威武騎武猛壯武颯武為十
二班電威馳銳追鋒羽騎突騎為十一班十號為一品
折衝冠武和我安曼猛烈為十班掃狄雄信掃虜武銳
椎鋒為九班十號為一品畧速貞威決勝開遠先野為
八班厲鋒輕銳討狄蕩虜蕩夷為七班十號為一品武
毅鐵騎樓船宣猛樹功為六班克狄平虜討夷平狄威
戎為五班十號為一品伏波雄戰長劔衝冠雕騎為四
班欽飛安夷克戎綏狄威虜為三班十號為一品前鋒

武義開邊招遠全威為二班綏虜蕩寇橫野馳射為一班十號為一品凡十品二十四班亦以班多為貴其制品十取其盈數以法十日班二十四以法氣序制簿悉以大號居後以為選法自小遠大也其不登十品應須軍號者有牙門代舊建威期門代舊建武為八班候騎代舊振威熊渠代舊振武為七班中堅代舊奮威典戎代舊奮武為六班戈舡代舊揚威繡衣代舊揚武為五班執訊代舊廣威行陣代舊廣武為四班鷹揚為三班陵江為二班偏將軍裨將軍為一班凡十四號別為八班以象八風所施甚輕又有武安鎮遠雄義擬車騎為二十四班撫東撫西撫南撫北擬四征為二十三班寧東寧西寧南寧北擬四鎮為二十二班威東威西威南威北擬四安為二十一班綏東綏西綏南綏北擬四平為二十班凡十九號為一品安遠安邊擬忠武軍師為十九班輔義安沙衛海撫河擬武臣等四號為十八班平遠撫朔寧沙航海擬鎮兵等四號為十七班凡十號

為一品胡海朔野拓達威河龍幕擬智威等五號為十
六班威隴安漠綏邊寧寇梯山擬智武等五號為十五
班凡十號為一品寧境綏河明信明義威漠擬輕車等
五號為十四班安隴向義宣節振朔候律擬寧遠等五
號為十三班凡十號為一品平寇定遠寧隴海振漠
擬武威等五號為十二班馳義橫朔明節執信懷德擬
電威等五號為十一班凡十號為一品撫邊定隴綏閑
立信奉義擬折衝等五號為十班綏隴寧邊定朔立節
懷威擬掃狄等五號為九班凡十號為一品懷閑靜朔
掃寇寧河安朔擬畧遠等五號為八班楊化超隴執義
來化度嶂擬厲鋒等五號為七班凡十號為一品平河
振隴雄邊橫沙寧閑擬武毅等五號為六班懷信宣義
弘節浮邊鑿空擬克狄等五號為五班凡十號為一品
杆海款塞歸義陵河明信擬伏波等五號為四班奉忠
守義弘信仰化立義擬欽飛等五號為三班凡十號為
一品綏方奉正承化浮海渡河擬先鋒等五號為二班

懷義奉信歸誠懷澤伏義擬綏虜等五號為一品凡十號為一班大凡一百九號亦為二十四班施於外國

庚午詔置州望郡宗鄉豪各一人專掌搜薦

搜求也搜才能

而薦之於上

乙亥以南兗州刺史呂僧珍為領軍將軍領

軍掌內外兵要宋孝建以來制局用事與領軍分兵權典事以上皆得呈奏領軍拱手而已及吳平侯昺在職峻切官曹肅然制局監皆近倖頗不堪命以是不得久

留中丙子出為雍州刺史

先用僧珍次日出昺昺音丙雍於用翻

三月

戊子魏皇子昌卒侍御師王顯失於療治

醫師侍御左右因以名官

後魏之制太醫令屬太常掌醫藥而門下省別有高藥局侍御師蓋今之御醫也此又一王顯非御史中尉之王顯也治時人皆以為承高肇之意也夏四月乙卯直之翻

皇太子納妃大赦五月己亥詔復置宗正太僕大匠

鴻臚又增太府太舟仍先為十二卿

復扶又翻五代史志曰是年以太常

為太常卿加置宗正卿以大司農為司農卿是為春卿加置太府卿以少府為少府卿加置太僕卿是為夏卿以衛尉為衛尉卿廷尉為廷尉卿將作大匠為大匠卿是為秋卿以光祿勳為光祿卿大鴻臚為鴻臚卿都水使者為太舟卿是為冬卿凡十二卿皆置丞及功曹主簿癸卯以安成王秀為荊

州刺史先是巴陵馬營蠻緣江為寇州郡不能討

先悲薦翻

秀遣防閤文熾帥衆燔其林木

梁制上宮東宮置直閤王公置防閤文姓也帥

讀曰蠻失其險州境無寇

蠻無所依阻故不敢為寇

秋七月甲午

魏立高貴嬪為皇后

嬪毗宿翻

尚書令高肇益貴重用事肇

多變更先朝舊制減削封秩抑黜勲人由是怨聲盈路

羣臣宗室皆卑下之

更工衡翻朝直迷翻下退嫁翻

唯度支尚書元匡

與肇抗衡先自造棺置聽事欲與棺詣闕論肇罪惡自

殺以切諫肇聞而惡之

度徒洛翻惡烏路翻

會匡與太常劉芳議

權量事

魏因議樂併議定權量量力張翻

肇主芳議匡遂與肇喧競

競爭

也表肇指鹿為馬

以肇比趙高

御史中尉王顯奏彈匡誣毀

宰相有司處匡死刑

處昌呂翻

詔恕死降為光祿大夫八

月癸丑竟陵壯公曹景宗卒

初魏主為京兆王愉納

于后之妹為妃

為于偽翻

愉不愛愛妾李氏生子寶月于后

召李氏入宮捶之

捶止樂翻

愉驕奢貪縱所為多不灋帝召

愉入禁中推案杖愉五十出為冀州刺史愉自以年長

長知兩翻

而勢位不及二弟

二弟清河王懌廣平王懷

潛懷愧恨又身與

妾屢被頓辱高肇數譖愉兄弟愉不勝忿

被皮義翻數所角翻勝音

升癸亥殺長史羊靈引司馬李遵詐稱得清河王懌密

疏云高肇弑逆遂為壇於信都之南

魏冀州刺史治信都

即皇帝

位大赦改元建平立李氏為皇后瀍曹參軍崔伯驥不

從愉殺之在北州鎮皆疑魏朝有變

謂州鎮在冀州之北者朝直還翻

定州刺史安樂王詮具以狀告之

樂音洛詮且緣翻

州鎮乃安

乙丑魏以尚書李平為都督北討諸軍行冀州事以討

愉平宗之從父弟也

從才用翻

丁卯魏大赦改元永平

魏京兆王愉遣使說平原太守清河房亮亮斬其使愉

遣其將張靈和擊之為亮所敗

說式為翻將即亮翻敗補邁翻

李平軍

至經縣

經縣漢晉屬安平國魏收志屬鉅鹿郡

諸軍大集夜有蠻兵數千

斫平營矢及平帳平堅卧不動俄而自定

蠻兵蓋亦李平所統欲為

內變而平不動故自定

九月辛巳朔愉逆戰於城南草橋平奮擊

大破之愉脫身走入城平進圍之壬辰安樂王詮破愉

兵於城北

癸巳立皇子績為南康王

魏高后之立

也彭城武宣王勰固諫

勰音協

魏主不聽高肇由是怨之

數譖勰於魏主

數所角翻

魏主不之信

恐薦其舅潘僧固為

長樂太守京兆王愉之反脅僧固與之同

冀州與長樂郡同治信都

故僧固為愉所脅樂音洛

肇因誣認北與愉通南招蠻賊

伊闕以南接于淮汝

江沔皆

彭城郎中令魏偃前防閤高祖珍

高祖珍前嘗為認防閤時

已去官故曰前防閤

希肇提擢構成其事肇令侍中元暉以問暉

不從又令左衛元珍言之帝以問暉暉明認不然又以

問肇肇引魏偃高祖珍為證帝乃信之戊戌召認及高

陽王雍廣陽王嘉清河王懌廣平王懷高肇俱入宴認

妃李氏方產固辭不赴中使相繼召之

使疏吏謝

不得已與

妃訣而登車入東掖門度小橋牛不肯進擊之良久

良久

稍久也或曰甚久也

更有使者責勰來遲乃去牛

去先呂翻

人挽而進

宴於禁中至夜皆醉各就別所消息

今各就便安之處消酒毒而息真氣

俄而元珍引武士齎毒酒而至勰曰吾無罪願一見至

尊死無恨元珍曰至尊何可復見

復扶又翻

勰曰至尊聖明

不應無事殺我乞與告者一對曲直武士以刀鐐築之

勰大言曰冤哉皇天忠而見殺武士又築之勰乃飲

酒武士就殺之向晨以褥裹尸載歸其第云王因醉而

薨李氏號哭大言曰

號戶刀翻

高肇枉理殺人天道有靈汝

安得良死魏主舉哀於東堂贈官葬禮皆優厚加等在

朝貴賤莫不喪氣

朝直達翻喪息浪翻

行路士女皆流涕曰高令

公枉殺賢王

肇為尚書令故稱為令公

由是中外惡之益甚

為高肇被誅張

本惡烏路翻

京兆王愉不能守信都癸卯燒門攜李氏及其

四子從百餘騎突走

騎奇寄翻

李平入信都斬愉所置冀州

牧韋超等遣統軍叔孫頭追執愉置信都以聞羣臣請

誅愉魏主不許命鎖送洛陽申以家人之訓

愉魏主弟也故欲訓

責行至野王高聲密使人殺之

考異曰魏書及北史愉傳皆云愉每宿止亭

傳必攜李手盡其私情雖鏢紮之中飲實自若畧無愧懼之色至野王愉語人曰雖主上慈深不忍殺我吾亦何面見至尊於是歎歎流涕絕氣而死或云高聲令人殺之按愉既敗被執猶畧無愧懼安能慈見魏主遠感激絕氣而死蓋聲潛使人殺愉因以此言紿主耳

諸子至洛魏主皆赦之魏主

將屠李氏中書令崔光諫曰李氏方姓刑至剗胎乃桀

紂所為

曰武王數紂之罪曰剗剔孕婦

酷而非濫請俟產畢然後行刑

從之李平捕愉餘黨千餘人將盡殺之錄事參軍高顗

曰此皆脅從前既許之原免矣宜為表陳

為于偽翻下為周同

平

從之皆得免死顯祐之孫也

高祐允之從祖弟以文學事魏孝文

濟州刺

史高植帥州軍擊愉有功當封

濟子禮翻帥讀曰率

植不受曰家

荷重恩為國致效

致效言致身而死也荷下可翻

乃其常節何敢求

賞植肇之子也加李平散騎常侍

散悉宣翻騎奇寄翻

高肇及中

尉王顯素惡平顯彈平在冀州隱截官口

此謂叛黨男女合沒為官

口者惡鳥路翻彈徒丹翻

肇奏除平名

除名不得通籍禁門

初顯祖之世柔然

萬餘口降魏置之高平薄骨律二鎮

魏世祖太延二年置高平鎮是後肅

宗正光五年改置原州又大延二年置薄骨律鎮肅宗孝昌中改置靈州宋白曰太和十年改薄骨律鎮為沃

野鎮降
戶江翻

及太和之末叛走略盡唯千餘戶在太中大夫

王通請徙置淮北以絕其叛詔太僕卿楊椿持節往徙

之椿上言先朝處之邊徼所以招附殊俗且別異華戎

也朝直遙翻處昌呂翻下河處同微吉弔翻別彼列翻今新附之戶甚衆若舊者

見徙新者必不自安是驅之使叛也且此屬衣毛食肉

樂冬使寒

衣於既翻樂音洛

南土濕熱往必殲盡進失歸附之

心退無藩衛之益置之中夏

殲息庶翻夏戶雅翻

或生後患非良

策也不從遂徙於濟州緣河處之及京兆王愉之亂皆

浮河赴愉所在抄掠如椿之言

濟子禮翻抄楚交翻

庚子魏郢

州司馬彭珍等叛魏潛引梁兵趨義陽三關戍主侯登

等以城來降郢州刺史婁悅嬰城自守魏以中山王英

都督南征諸軍事將步騎三萬出汝南以救之

趨七俞翻降戶

江翻將即亮翻騎奇寄翻

考異曰田蓋宗傳詔曰英統馬步七萬邢縡統精騎三萬蓋虛聲耳今從魏帝紀

冬十月魏懸瓠軍主白早生殺豫州刺史司馬悅

瓠戶

故翻

考異曰梁帝紀作白早生馬仙琕傳作琅邪王司馬慶曾今皆從魏書

自號平北將軍

求救於司州馬仙琕

琕部田翻

時荊州刺史安成王秀為都

督

秀以荊州刺史督諸州司州其所統也

仙琕籤求應赴

籤前叙求應赴之事注見一百

二十卷宋文帝元嘉元年

參佐咸謂宜待臺報

謂宜奏上天臺而待報江左率謂朝廷為

臺亦謂之天臺

秀曰彼待我以自存

彼謂白早生

援之宜速待救雖

舊

謂舊制須待臺敕

非應急也即遣兵赴之上亦詔仙琕救早

生仙琕進頓楚王城

楚王城即楚王戌

遣副將齊苟免

將即亮翻考

吳曰魏書作苟仁今從梁書南北史

以兵二千助守懸瓠詔以早生為司

州刺史

考異曰梁帝紀十月丙子魏陽關主許敬珍以城內附詔大舉北伐以始興王憺帥衆入清

王茂帥衆向宿豫丁丑白早生與豫州刺史胡遜以城內屬以早生為司州胡遜為豫州刺史明年正月壬辰

魏鎮東參軍咸景高新宿豫城主嚴仲寶以城內屬二月丁卯魏楚王域主李國興以城內附姓名年月事迹既與魏書參差又編檢諸列傳皆無其事今並從魏書

丙寅以吳興太守張稷

為尚書左僕射

守式又翻

魏以尚書邢巒行豫州事將兵

擊白早生魏主問之曰卿言早生走也守也何時可平對曰早生非有深謀大智正以司馬悅暴虐乘衆怒而作亂民迫於凶威不得已而從之縱使梁兵入城水路不通糧運不繼亦成禽耳早生得梁之援溺於利欲必守而不走若臨以王師士民必翻然歸順不出今年當

傳首京師魏主悅命巒先發使中山王英繼之巒帥騎

八百倍道兼行五日至鮑口丙子早生遣其大將胡孝

智將兵七千離城二百里逆戰

帥讀曰率騎奇寄翻下同將即亮翻下椿將同

離力巒奮擊大破之乘勝長驅至懸瓠早生出城逆戰

又破之因渡汝水圍其城詔加巒都督南討諸軍事丁

丑魏鎮東參軍成景雋殺宿豫戍主嚴仲賢以城來降

降戶時魏郢豫二州自懸瓠以南至于安陸諸城皆沒

唯義陽一城為魏堅守

為于

巒帥田益宗帥羣蠻以附

魏營帥所類翻宗帥讀曰率

魏以為東豫州刺史

魏東豫州治新息廣陵城領汝南東

新蔡新蔡弋陽長陵郡

上以車騎大將軍開府儀同三司五千戶

郡公招之益宗不從十一月庚寅魏遣安東將軍楊椿

將兵四萬攻宿豫魏主聞邢巒屢旋命中山王英趣義

陽英以衆少累表請兵弗許

趣與趣同七喻翻少詩沼翻

英至懸瓠

輒與巒共攻之十二月己未齊苟兒等開門出降斬白

早生及其黨數十人英乃引兵前趣義陽

趣七喻翻

寧朔將

軍張道凝先屯楚王城癸亥棄城走英追擊斬之魏義

陽太守狄道辛祥與婁悅共守義陽將軍胡武城陶平
虜攻之祥夜出襲其營擒平虜斬武城由是州境獲全
論功當賞婁悅恥功出其下間之於執政賞遂不行

古間

苑翻史言高肇
專魏賞罰無章

壬申魏東荊州表桓暉之弟叔興前

後招撫太陽蠻歸附者萬餘戶請置郡十六縣五十

自是

之後蠻左郡縣
不可勝紀矣

詔前鎮東府長史鄺道元案行置之

下行

孟道元範之子也

鄺範見一百三十二
卷宋明帝泰始三年

是歲柔然佗

汗可汗復遣使奚勿六跋獻貂裘於魏

佗徒河翻汗音
寒可從刊入聲

又翻

魏主弗受報之如前

前事見上卷五年

初高車侯倍窮奇

為噉達所殺

噉達國大月氏之種類也亦曰高車之別種其原出於塞北自金山而南在于闐之

西去長安一萬一百里其王都拔底城蓋王舍城也噉益涉翻達當利翻又阭萬翻又宅札翻執其子

彌俄突而去其衆分散或奔魏或奔柔然魏主遣羽林

監河南孟威撫納降戶置於高平鎮

降戶江翻

高車王阿伏

至羅殘恭國人殺之立其宗人跋利延噉達奉彌俄突

以伐高車國人殺跋利延迎彌俄突而立之彌俄突與

佗汗可汗戰于蒲類海不勝西走三百餘里佗汗軍於

伊吾北山會高昌王麴嘉求內徙於魏時孟威為龍驤

將軍

驤思將翻

魏主遣威發涼州兵三千人迎之至伊吾佗

汗見威軍怖而遁去

怖普布翻

彌俄突聞其離駭追擊大破

之殺佗汗於蒲類海北割其髮送於威且遣使入貢於

魏

使疏吏翻

魏主使東城子于亮報之賜遺甚厚

遺于季翻

高昌

王嘉失期不至威引兵還佗汗可汗子醜奴立號豆羅

伏跋豆伐可汗

魏收曰魏言彰制也

改元建昌

宋齊舊儀祀天

皆服袞冕兼著作郎高陽許懋請造大裘從之

周禮天官司裘

掌為大裘以供王祀天之服鄭眾注云大裘黑羔裘服以祀天示質時有司尋大裘之制唯鄭玄注司服云大裘羔裘也既無所出未可為據按六冕之服皆玄上纁下今宜以玄纁為之其制式如裘其裳以纁皆無文繡冕則無旒制曰可

上將有事太廟詔以齋日不樂自今輿駕始

出鼓吹從而作還宮如常儀

還宮則鼓吹振作吹昌瑞翻

八年春正月辛巳上祀南郊大赦時有請封會稽禪國

山者

國山在義興國山縣隋廢義興郡為義興縣并國山入焉我朝太平興國元年以太宗藩邸舊

諱改義興為宜興會工外翻

上命諸儒草封禪儀欲行之許懋建議

以為舜柴岱宗是為巡狩而鄭引孝經鉤命決云封于

太山考績柴燎禪乎梁甫刻石紀號此緯書之曲說非

正經之通義也

緯于青翻

舜五載一巡狩春夏秋冬周徧四

嶽

書舜典歲二月東巡狩至于岱宗柴望秩于山川五月南巡狩至于南岳八月西巡狩至于西岳十有一

月北巡狩至于北岳載于亥翻

若為封禪何其數也

數所角翻

又如管夷吾

所說七十二君燧人之前世質民淳安得泥金檢玉結繩而治安得鐫文告成夷吾又云唯受命之君然後得封禪周成王非受命之君云何得封太山禪社首神農即炎帝也而夷吾分為二人妄亦甚矣若聖主不須封

禪若凡主不應封禪蓋齊桓公欲行此事夷吾知其不

可故舉怪物以屈之

班志曰齊桓公既霸會諸侯於葵丘而欲封禪管仲曰古者封太山

禪梁父者七十二家夷吾所記者十有二焉昔無懷氏封太山禪云云伏羲封太山禪云云神農氏封太山禪云云炎帝封太山禪云云黃帝封太山禪云云顓頊封太山禪云云帝嚳封太山禪云云堯封太山禪云云舜封太山禪云云禹封太山禪會稽湯封太山禪云云成王封太山禪於社首皆受命乃得封禪桓公曰寡人九合諸侯一匡天下昔三代受命何以異此管仲睹桓公不可窮以辭因設之以事曰古之封禪鄒上黍北里禾所以為盛江淮以一茅三脊所以為藉東海致比目之魚西海致比翼之鳥然後物有不召而自至者十有五焉今鳳凰麒麟不至嘉禾不生而蓬蒿藜莠茂鵠鵝羣翔而欲封禪無乃不可乎桓公乃止

秦始皇

嘗封太山孫皓嘗遣兼司空董朝至陽羨封禪國山

五代

志曰義興舊曰陽羨

皆非盛德之事不足為灋然則封禪之禮皆

道聽所說失其本文由主好名於上

好呼到翻

而臣阿旨於

下也古者祀天祭地禮有常數誠敬之道盡此而備至

於封禪非所敢聞上嘉納之因推演懋議稱制旨以答

請者由是遂止魏中山王英至義陽將取三關先策

之曰三關相須如左右手若克一關兩關不待攻而破

攻難不如攻易宜先攻東關

東關即武陽關易以鼓翻下勢易同

又恐其

并力於東乃使長史李華帥五統向西關

五統五統軍之衆西關即

平靖關帥

以分其兵勢自督諸軍向東關先是馬仙琕

讀曰率

使雲騎將軍馬廣屯長薄軍主胡文超屯松峴

先悉薦

寄翻峴戶典翻

考異曰梁馬仙琕傳云

丙申英至長

達馬廣會超守三關今從魏中山王英傳

薄戍戍長薄潰馬廣遁入武陽英進圍之上遣冠軍將

軍彭瓌生驃騎將軍徐元季將兵援武陽

冠古玩翻驃

寄翻季將即亮翻下同

考異

英故縱之使入城曰吾

曰英傳作徐超秀今從魏帝紀

觀此城形勢易取

易以

瓌生等既入英捉兵攻之六日

或翻

而拔虜三將及士卒七千餘人進攻廣峴

廣峴蓋即黃峴關

太

子左衛率李元履棄城走又攻西關馬仙琕亦棄城走

上使南郡太守韋叡將兵救仙琕

郢陽之捷叡遣左衛將軍尋為安西長史

南郡太守

叡至安陸增築城二丈餘更開大塹起高樓

並七

衆頗譏其示怯叡曰不然為將當有怯時不可專勇中

山王英急追馬仙琕將復郢陽之恥聞叡至乃退上亦

有詔罷兵初魏主遣中書舍人鮑陽董紹慰勞叛城

陽

縣漢屬汝南郡晉屬汝陰郡魏屬新蔡郡孟康曰鮑音

討紅翻隋廢新蔡郡為縣屬豫州鮑陽之地當在新蔡

資治通鑑

六

縣界勞力到翻

白早生襲而囚之送於建康魏主既克懸瓠命

於齊荀兗等四將之中分遣二人救揚州為移

魏揚州治壽陽

移移以易紹及司馬悅首

考異曰紹傳云歸荀兗等十人令從司馬悅傳

移

書未至領軍將軍呂僧珍與紹言愛其文義言於上上

遣主書霍靈超謂紹曰今聽卿還令卿通兩家之好

好

到翻下彼此息民豈不善也因召見賜衣物

見賢通翻

令舍

人周捨慰勞之

舍人中書通事舍人勞力到翻

且曰戰爭多年民物塗

炭吾是以不耻先言與魏朝通好凡亦有書全無報者

朝直達翻好呼列翻卿宜備申此意今遣傳詔霍靈秀
下同此毗至翻近也

送卿至國遲有嘉問

通直利
翻待也

又謂紹曰卿知所以得不

死不

死不讀
曰否

今者獲卿乃天意也夫立君以為民也

為
于

偽凡在民上豈可以不思此乎若欲通好今以宿豫還

彼彼當以漢中見歸紹還魏言之魏主不從三月魏

荊州刺史元志將兵七萬寇潺溝

潺溝在漢北據梁書
吳平侯昺傳破志於

潺溝流尸蓋漢水則潺溝
之水南注于漢潺仕山翻驅迫羣蠻羣蠻悉渡漢水來

降雍州刺史吳平侯昺納之

降戶江翻雍於
用翻昺音丙

綱紀皆以

蠻累為邊患不如因此除之

州郡上佐謂之綱紀言其綱紀州郡之事也

曷

曰窮來歸我誅之不祥且魏人來侵吾得蠻以為屏蔽

不亦善乎

屏必耶翻

乃開樊城受其降命司馬朱思遠等擊

志於潺溝大破之斬首萬餘級志齊之孫也

拓跋齊見一百二十

卷宋文帝元嘉四年

夏四月戊申以臨川王宏為司空加車騎

將軍王茂開府儀同三司

騎奇寄翻

丁卯魏楚王城主李

國興以城降

秋七月癸巳巴陵王蕭寶義卒九月

辛巳魏封故北海王詳子顥為北海王

詳得罪死事見一百四十五卷

天監元年

魏公孫崇造樂尺以十二黍為寸劉芳非之更

以十黍為寸尚書令高聲等奏崇所造八音之器及度

量皆與經傳不同詰其所以然云必依經文聲則不協

請更令芳依周禮造樂器俟成集議竝呈從其善者詔

從之

夫作樂者先定律律起於黃鍾黃鍾之長以黍審其度黃鍾之俞以黍審其容周禮典同雖曰掌六

律六同之和以辨天地四方陰陽之聲以為樂器然度之長短容之多少未嘗詳言之也冬官考工既出於漢

而免氏為鍾但言其廣長圓徑深厚而黍黍之法無聞焉肇請令芳依周禮造樂器未知其何所依也魏收曰

太和中詔中書監高閭脩正音律久未能定閭表太樂祭酒公孫崇叅知律呂鍾磬之事景明四年并州獲古

銅權詔付崇以為鍾律之準永平中崇更造新尺以一黍之長衆為寸法尋太常卿劉芳受詔脩樂以秬黍中者一黍之廣即為一分而中尉元匡以一黍之廣度黍二縫以取一分三家分競久不能決太和十九年高祖詔以一黍之廣用成分體九十黍之長以定銅尺有司奏從前詔而芳尺同高祖所制故遂興修金石更工衡翻傳直懋翻
冬十月癸丑魏以司空廣陽王嘉為司徒去吉翻

徒 十一月己丑魏主於式乾殿為諸僧及朝臣講維

摩詰經

為于偽翻
朝直通翻

時魏主專尚釋氏不事經籍中書侍

郎河東裴延雋上疏以為漢光武魏武帝雖在戎馬之

間未嘗廢書先帝遷都行師手不釋卷良以學問多益

不可暫輟故也陛下升瀛座親講大覺凡在瞻聽塵蔽

俱開然五經治世之模楷應務之所先

治直之翻

伏願經書

互覽孔釋兼存則內外俱周真俗斯暢矣時佛教盛於

洛陽沙門之外自西域來者三千餘人魏主別為之立

永明寺千餘間以處之處士南陽馮亮有巧思

為于偽翻處昌

呂翻思相吏翻魏主使與河南尹甄琛沙門統僧暹擇嵩山形

勝之地立閒居寺極巖壑土木之美由是遠近承風無

不事佛比及延昌

甄之人翻孫丑林翻比必利翻

州郡共有一萬三千

餘寺 是歲魏宗正卿元樹來拜賜爵鄴王樹翼之弟

也時翼為青冀二州刺史鎮郁洲

水經注胸山東北海中有大洲謂之郁洲

久之翼謀舉州降魏事泄而死

元翼來降見上卷五年降戶江翻

九年春正月乙亥以尚書令沈約為左光祿大夫右光

祿大夫王瑩為尚書令約文學高一時而貪冒榮利用

事十餘年政之得失唯唯而已

冒冀北翻下同唯于癸翻

自以久居

端揆有志台司論者亦以為宜而上終不用乃求外出

又不許徐勉為之請三司之儀

梁官制有開府同三司之儀在開府儀同三司

下為子
偽翻

上不許 庚寅新作緣淮塘北岸起石頭迄東

冶南岸起後渚離門迄三橋 三月丙戌魏皇子詡生

詡母胡充華臨涇人

充華晉武帝制宋明帝時以婕妤
充華等五職位亞九嬪蕭齊之世

位列九嬪臨涇縣自漢以
來屬安定郡詡況羽翻

父國珍襲武始伯

隋志金城
郡狄道縣

後魏置
武始郡

充華初選入掖庭同列以故事祝之願生諸王

公主勿生太子充華曰妾之志異於諸人奈何畏一身

之死而使國家無嗣乎及有娠同列勸去之

娠音身去
羌呂翻

充華不可私自誓曰若幸而生男次第當長

長丁丈翻
今知兩翻

下漸長同 男生身死所不憾也既而生詔先是魏主頻喪皇

子先悲薦翻年漸長深加慎護擇良家宜子者以為乳

保乳母保母也養於別宮皇后充華皆不得近近其己丑

上幸國子學親臨講肄乙未詔皇太子以下及王侯之

子年可從師者皆入學 舊制尚書五都令史皆用寒

流夏四月丁巳詔曰尚書五都職參政要非但總領衆

局亦乃方軌二丞方軌謂並駕也可革用士流秉此羣

目於是以都令史視奉朝請朝直用太學博士劉納兼

殿中都司空潘曹參軍劉顯兼吏部都太學博士孔虔

孫兼全部都司空潘曹參軍蕭軌兼左右戶都宣毅墨

曹參軍王顯兼中兵都

宣毅將軍府之墨曹參軍顯兼魚容翻

並以才地兼

美首膺其選

六月宣城郡吏吳承伯挾妖術聚衆

妖

翻癸丑攻郡殺太守朱僧勇轉屠旁縣閏月己丑承伯

踰山奄至吳興東土人素不習兵吏民恒擾奔散或勸

太守蔡搏避之搏不可

恒去王翻搏慈損翻

募勇敢閉門拒守承

伯盡銳攻之搏帥衆出戰大破之臨陳斬承伯

帥請曰率陳請

曰樽興宗之子也

蔡興宗仕宋大明泰始之間以方正自持

承伯餘黨入新

安攻陷黔歛諸縣

黔音伊歛書涉翻

太守謝覽遣兵拒之不勝

逃奔會稽臺軍討賊平之覽淪之子也

謝淪仕宋齊之間位要近有清

望會工外翻

冬十月魏中山獻武王英卒

上即位之三

年詔定新歷員外散騎侍郎祖暄奏其父冲之考古灋

為正歷不可改

散悉重翻騎奇寄翻昨古鄧翻又况晚翻

至八年詔太史課

新舊二歷新歷密舊歷疎是歲始行冲之大明歷

舊歷何承

天歷也新歷祖冲之歷也冲之上歷見一百二十九卷宋孝武帝大明六年

魏劉芳奏所

造樂器及教文武二舞登歌鼓吹曲等已成

吹昌瑞翻

乞如

前敕集公卿羣儒議定與舊樂參呈若臣等所造形制合古擊拊會節請於來年元會用之詔舞可用新餘且仍舊

十年春正月辛丑上祀南郊大赦尚書左僕射張稷

自謂功大賞薄

稷以殺齊東昏侯為功

嘗侍宴樂壽殿

樂音洛

酒酣

怨望形於辭色上曰卿兄殺郡守

稷兄瓌殺劉遐事見一百三十四卷宋順

帝昇明元年守式又翻

弟殺其君有何名稱稷曰臣乃無名稱

尺稱

撥至於陛下不得言無勲東昏暴虐義師亦來伐之豈

在臣而已上將其須

枓盧括翻須古菊字通

曰張公可畏人稷既

懼且恨乃求出外癸卯以稷為青冀二州刺史王珍國

亦怨望

王珍國與稷同殺東昏侯其怨望之心與稷同

罷梁秦二州刺史還

從

宣翻又音如字國未嘗為梁秦刺史今從南史

考異曰梁書珍

酒後於坐啓云

坐徂卧翻

臣近入梁山使哭上大驚曰卿若哭東昏則已晚若哭

我我復未死珍國起拜謝竟不答坐即散

復扶又翻坐徂卧翻

因

此疎退久之除都官尚書丁巳魏汾州山胡劉龍駒

聚眾反侵擾夏州詔諫議大夫薛和發東秦汾華夏四

州之眾以討之

魏高祖太和十一年分秦州置華州治華陰領華山登城白水郡又置夏州治

統萬領化政關熙金明代各郡夏戶雅翻華戶化翻

辛酉上祀明堂三月琅

邪民王萬壽殺東莞琅邪二郡太守劉晰

邪音即莞音管晰之舌翻

考異曰梁帝紀云三月辛丑按長歷是月丁酉朔而

盧昶傳云三月十四夜萬壽等攻掩胸城蓋辛酉也今

不日以闕疑又梁馬仙琕傳及魏帝紀靈昶傳皆云劉晰而梁帝紀云鄧晰蓋字誤也

據胸山召

魏軍

胸音

壬戌魏廣陽懿烈王嘉卒魏徐州刺史

盧昶遣郟城戍副張天惠

秦置郟郡漢改為東海郡魏復置郟郡屬東徐州郟音談

琅邪戍主傅文驥相繼赴朐山青冀二州刺史張稷遣

兵拒之不勝

梁青冀二州治朐山

夏四月文驥等據朐山詔振遠

將軍馬仙琕擊之

琕部田翻

魏又遣假安南將軍蕭寶寅假

平東將軍天水趙遐將兵據朐山受盧昶節度

將即亮翻

甲戌魏薛和破劉龍駒悉平其黨表置東夏州

東夏州領偏城

朔方定陽上郡唐之延州魏之東夏州也夏戶雅翻

五月丙辰魏禁天文學

以國子祭酒張充為尚書左僕射充緒之子也

張緒岱之兄子

善說名理

馬仙琕圍朐山張稷權頓六里以督饋運上數

發兵助之

數所角翻

秋魏盧昶上表請益兵六千米十萬石

魏主以兵四千給之冬十一月己亥魏主詔揚州刺史

李崇等治兵壽陽以分朐山之勢

治直之翻

盧昶本儒生不

習軍旅朐山城中糧樵俱竭傳文驥以城降

降戶江翻

十二

月庚辰昶引兵先遁諸軍相繼皆潰會大雪軍士凍死

及墮手足者三分之一仙琚追擊大破之二百里間僵

尸相屬魏兵免者什一二收其糧畜器械不可勝數

屬之

欲翻勝音升

考異曰魏帝紀盧昶敗在十一月今從

梁帝紀梁紀曰斬賊十餘萬按盧昶表云此兵九千賊

衆四萬求益兵六千魏主以四千給
之安得十餘萬衆蓋梁史為誇大耳
昶單騎而走棄其

節傳儀衛俱盡

傳張
總翻

至剡城借趙遐節以為軍威魏主

命黃門侍郎甄琛馳馬鎖昶窮其敗狀

甄之人翻琛丑
林翻昶人質翻

驛傳

及趙遐皆免官唯蕭寶寅全軍而歸盧昶之在胸

山也御史中尉游肇言於魏主曰胸山葦爾僻在海濱

卑濕難居

葦祖
外翻

於我非急於賊為利為利故必致死以

爭之非急故不得已而戰以不得已之衆擊必死之師

恐稽遲歲月所費甚大假令得胸山徒致交爭終難全

守所謂無用之田也

左傳吳將伐齊子胥諫曰得志於齊猶獲石田也無所用之

聞

賊屢以宿豫求易胸山若必如此持此無用之地復彼

舊有之疆兵役時解其利為大魏主將從之會昶敗遷

肇侍中肇明根之子也

明根事魏太武及孝文以耆宿見重

馬仙琕為

將能與士卒同勞逸所衣不過布帛所居無幃幕衾屏

飲食與廝養最下者同

將即亮翻衣於既翻廝息移翻養養馬者音余亮翻韋昭曰析

薪為廝炊烹為養

其在邊境常單身潛入敵境伺知壁壘村落

險要處

同相吏翻

所攻戰多捷士卒亦樂為之用

樂音洛為于偽翻

魏以甄琛為河南尹琛表曰國家居代患多盜竊世

祖發憤廣置主司里宰皆以下代令長及五等散男有

經畧者乃得為之

長知兩翻五等散男謂爵為五等男而居散官者魏書曰魏公侯伯子男

有開國有散凡散各降開國一品非以其居散官而謂之散男也散悉重翻

又多置吏士為

其羽翼崇而重之始得禁止今遷都已來天下轉廣四

遠赴會事過代都五方雜沓寇盜公行里正職輕任碎

多是下材人懷苟且不能督察請取武官八品將軍已

下幹用貞濟者

貞濟謂堅貞而濟事也

以本官俸恤領里尉之任

高者領六部尉中者領經途尉下者領里正

魏官既給
俸又給恤

親之祿故謂之俸恤魏分洛陽城中為六部置六部尉
因張平子東京賦經途九軌置經途尉經途城中之大

途也其餘處
各置里正

不爾請少高里尉之品

少詩
治翻

選下品中應

選者進而為之督責有所輦轂可清

自漢以來京師
謂之輦轂下

詔

曰里正可進至勲品

勲品勲官
初品也

經途從九品六部尉正

九品

洛陽六部尉並置於東漢之時曹操
為洛陽北部尉此其證也從才用翻

諸職中簡取

不必武人操又奏以羽林為游軍於諸坊巷司察盜賊

於是洛城清靜後常踵焉是歲梁之境内有州二十

三

此據五代史志按蕭子顯齊志齊有揚南徐豫兗南兗北徐青冀江廣交越荆巴郢司雍梁秦益寧湘南

豫二十三州時已廢巴州當以王茂所立宛州足之

郡三百五十縣千二十二是

後州名浸多廢置離合不可勝記

勝音升

魏朝亦然

朝直遙翻

同下上敦睦九族優惜朝士有犯罪者皆屈灋申之百

姓有罪則案之如灋其緣坐則老幼不免一人逃亡舉

家質作

質音致又如字質作質其家屬而罰作之

民既窮窘姦宄益深嘗因

郊祀有秣陵老人

江南以建康秣陵為赤縣隋廢秣陵建康併為江寧縣舊梁簡翻兇音執

遮車駕言曰陛下為灋急於庶民緩於權貴非長久之

道誠能反是天下幸甚上於是思有以寬之

十一年春正月壬辰詔自今逋誦之家及罪應質作若

年有老小可停將送

所謂寬庶民者如此而已而不能繩權貴以漢君子是以知梁政之

也以臨川王宏為太尉驃騎將軍王茂為司空尚書

令驃匹妙翻騎奇寄翻下同丙辰魏以車騎大將軍尚書令高肇

為司徒清河王懌為司空廣平王懷進號驃騎大將軍

加儀同三司肇雖登三司猶自以去要任快快形於言

色要任謂尚書令快於兩翻見者嗤之嗤丑之翻尚書右丞高綽國子博

士封軌素以方直自業

業事也以方直為事所謂彊作之也作之不已乃成君子

及

肇為司徒綽送迎往來軌竟不詣肇綽顧不見軌乃遽

歸嘆曰吾平生自謂不失規矩今日舉措不如封生遠

矣綽允之孫軌懿之族孫也

高允事魏世祖以下四朝封懿去燕歸魏以疎慢見

黜清河王懌有才學聞望懲彭城之禍

謂彭城王懿無罪見殺也聞音

問因侍宴謂肇曰天子兄弟詎有幾人而翦之幾盡

謂又

殺京兆王愉也之幾居依翻

昔王莽頭禿藉渭陽之資遂篡漢室

見事

漢紀今君身曲亦恐終成亂階會大旱肇擅錄囚徒欲以

收衆心懾言於魏主曰昔季氏旅於泰山孔子疾之

朱元

晦曰旅祭名也禮諸侯祭封內山川季氏祭之僭也

分扶問翻

誠以君臣之分宜防微

杜漸不可漬也減膳錄囚乃陛下之事今司徒行之豈

人臣之義乎明君失之於上姦臣竊之於下禍亂之基

於此在矣帝笑而不應夏四月魏詔尚書與羣司鞠理

獄訟令饑民就穀燕恒二州及六鎮

燕因肩翻恒戶登翻

乙酉

魏大赦改元延昌冬十月乙亥魏立皇子詡為太子

始不殺其母

為後胡后亂魏張本

以尚書右僕射郭祚領太子少

師祚嘗從魏主幸東宮懷黃畝以奉太子

畝扶田翻博雅白畝瓜屬

此黃畝又一種也

時應詔左右趙桃弓深為帝所信任祚私事

之時人謂之桃弓僕射黃畝少師十一月乙未以吳

郡太守袁昂兼尚書右僕射初齊太子步兵校尉平

昌伏曼容表求制一代禮樂世祖詔選學士十人脩五

禮

五禮吉立軍賓嘉

丹楊尹王儉總之儉卒

卒子恤翻

以事付國子

祭酒何肩肩還東山

肩隱會稽東山

齊明帝敕尚書令徐孝嗣

掌之孝嗣誅率多散逸詔驃騎將軍何佟之掌之

佟徒冬翻

經齊末兵火僅有在者帝即位終之啟審省置之宜

之改

於上審禮局之宜省宜置也

敕使外詳

使外詳議以聞也

時尚書以為庶務

權輿

毛萇曰權輿始也此言王業創始也

宜俟隆平欲且省禮局併還尚

書儀曹詔曰禮壞樂缺實宜以時修定但頃之修撰不

得其人所以歷年不就有名無實此既經國所先可即

撰次

左傳曰禮經國家定社稷序人民利後嗣者也撰具也述也

於是尚書僕射沈

約等奏請五禮各置

舊學士十人共修五禮今請分五禮各置學士

舊學士一

人令自舉學古一人相助抄撰

抄楚交翻錄也

其中疑者依石

渠白虎故事請制旨斷決

石渠事見二十七卷漢宣帝甘露三年白虎事見四十六

卷章帝建初四年斷丁亂翻

乃以右軍記室明山賓等分掌五禮終

之總其事終之卒以鎮北諮議參軍伏暄代之暄曼容

之子也

暄古鄧翻

至是五禮成列上之合八千一十九條詔

有司遵行

己酉臨川王宏以公事左遷驃騎大將軍

是歲魏以桓叔興為南荊州刺史治安昌

漢南陽郡有安昌侯

國晉泰始中割南陽東鄙之安昌平林平氏義陽四縣置義陽郡治安昌城後義陽移治石城山上因梁希侵逼徙治安順城而安

隸東荊州

昌則俗謂之白茅城

十二年春正月辛卯上祀南郊大赦 二月辛酉以燕

尚書右僕射袁昂為右僕射 己卯魏高陽王雍進位

太保 鬱洲迫近魏境近其新翻其民多私與魏人交市胸

山之亂或陰與魏通胸山平心不自安青冀二州刺史

張稷不得志政令寬弛僚吏頗多浸漁庚辰鬱洲民徐

道角等夜襲州城殺稷送其首降魏 胸音勅降戶江翻考異曰魏帝紀

作郁州人徐玄明今從梁康絢傳又絢傳殺死在魏遣胸山叛之明年今從魏帝紀 按鬱洲即郁洲

前南兖州刺史樊魯將兵赴之 將即亮翻於是魏饑民餓死

者數萬侍中游肇諫以為胸山濱海卑濕難居鬱洲又

在海中得之尤為無用其地於賊要近

要謂海道之要近謂南近江淮

去此閒遠

魏圖東南其用兵必於淮漢之間鬱洲介在海中又非兵衝故曰閒遠

以閒遠

之兵攻要近之衆不可敵也方今年饑民困唯宜安靜

而復勞以軍旅費以饋運臣見其損未見其益魏主不

從復遣平西將軍奚康生將兵逆之

復扶又翻

未發北兖州

刺史康絢遣司馬霍奉伯討平之

梁北兖州當治淮陰絢許縣翻

辛

巳新作太極殿

上嘗與侍中太子少傅建昌侯沈約

各疏栗事約少上三事出謂人曰此公護前不則羞死

帝每集文學之士策經史事羣臣多引短推長帝乃悅故約退有是言護前者自護其所短不使人在已前忌前者忌人在已前也約少詩治翻不讀曰否上聞之怒欲治其罪徐勉固諫

而止

治直之翻

上有憾於張稷

以其怨望故憾之

從容與約語及之

從千容翻

約曰左僕射出作邊州

謂為青冀二州刺史

已往之事何足

復論

復扶又翻

上以約與稷昏家相為

為于偽翻

怒曰卿言如此

豈忠臣邪乃輦歸內殿約懼不覺上起猶坐如初及還

未至牀而憑空頓於戶下

路而首先至地為頓

因病夢齊和帝以

劒斷其舌

斷丁管翻

乃呼道士奏赤章於天稱禪代之事不

由已出上遣主書黃穆之視疾夕還增損不即啟聞懼

罪乃白赤章事上大怒中使譴責者數四

帝本信釋氏報應之說謂

天可欺也故因赤章之事而怒責約古人不肯移腹心之疾而真諸股肱雅異於是使疏吏翻約益懼

閏月乙丑卒

辛子恆翻

有司謚曰文上曰情懷不盡曰隱改

謚隱侯夏五月壽陽久雨大水入城廬舍皆沒魏揚

州刺史李崇勒兵泊於城上水增未已乃乘船附於女

墻

城上短墻曰女墻所謂墻也今人謂之女頭

城不沒者二板將佐勸崇棄

壽陽保北山

壽陽北山即八公山

崇曰吾忝守藩岳德薄致災淮

南萬里繫于吾身一旦動足百姓瓦解揚州之地恐非

國物吾豈愛一身取愧王尊

漢王尊為東郡太守河水盛溢泛沒瓠子金隄老弱

奔走尊止宿隄上吏民爭叩頭救止尊不肯去及水盛隄壞吏民皆奔走唯一主簿泣在尊旁立不動而水波稍却回還吏民咸壯尊之勇節但憐此士民無辜同死可結筏隨高人

規自脫

規圖也筏音伐

吾必與此城俱沒幸諸君勿言揚州治

中裴絢帥城南民數千家汎舟南走避水高原

絢許縣翻帥讀

曰謂崇還北因自稱豫州刺史

自宋以來置豫州於壽陽絢乘水聚民自稱豫

州刺史以與別駕鄭祖起等送任子來請降馬仙琕遣
求梁應援

兵赴之崇聞絢叛未測虛實遣國侍郎韓方興單舸召

之崇爵陳留公故有國侍郎降絢聞崇在悵然驚恨報

曰比因大水顛覆為衆所推比既今大計已爾勢不可

追恐民非公民吏非公吏願公早行無犯將士崇遣從

弟寧朔將軍神等將水軍討之將即亮翻絢戰敗神追

拔其營絢走為村民所執還至尉升湖曰吾何面見李

公乎乃投水死絢叔業之兄孫也裴叔業降魏見一百四十三卷齊東昏侯

之永元二年

鄭祖起等皆伏誅。崇上表以水災求解州任。魏

主不許。崇沈深寬厚。

沈持林翻

有方畧，得士衆，心在壽春。十

年。

天監六年，魏主命李崇鎮壽春。至是年，財七年耳。至十五年，乃徵拜尚書左僕射。適十年，史終言之。

常

養壯士數千人，寇來無不摧破。鄰敵謂之卧虎。上屢設

反間以疑之。

間古莧翻

又授崇車騎大將軍，開府儀同三司。

萬戶郡公。諸子皆為縣侯。而魏主素知其忠篤，委信不

疑。六月癸巳，新作太廟。秋八月戊午，以臨川王宏

為司空。魏恒肆二州地震，山鳴。

魏世祖真君七年，置肆州，領新興、秀容、鴈

門郡治九原

踰年不已民覆壓死傷甚衆

是後破六韓拔陵等作亂

恒肆以北悉為盜區此其祥歟

魏主幸東宮以中書監崔光為太子

少傅命太子拜之光辭不敢當帝不許太子南面再拜
詹事王顯啟請從太子拜於是宮臣皆拜光北面立不
敢答拜唯西面拜謝而出

十三年春二月丁亥上耕藉田大赦宋齊藉田皆用正

月至是始用二月及致齋祀先農

漢儀正月始耕耕日以太牢祀先農臣瓚

注曰先農即神農炎帝也

魏東豫州刺史田益宗衰老與諸子孫

聚斂無厭

斂力竭翻厭於鹽湖

部內苦之咸言欲叛魏主遣中書

舍人劉桃符慰勞益宗

勞力到翻

桃符還啟益宗侵擾之狀

魏主賜詔曰桃符聞卿息魯生在淮南貪暴

此淮南太緊謂淮水

之南為爾不已損卿誠効可令魯生赴關當加任使魯生

久未至詔徙益宗為鎮東將軍濟州刺史又慮其不受

代遣後將軍李世哲與桃符帥眾襲之奄入廣陵

此新息之

廣陵也濟子禮翻帥讀曰率

魯生與其弟魯賢超秀皆犇關南招引

梁兵攻取光城已南諸戍

宋文帝元嘉十五年以豫部蠻民立光城等七縣明帝大

明中立光城左郡五代志弋陽郡光山縣舊置光城郡

上以魯生為北司州刺史

魯賢為北豫州刺史超秀為定州刺史

北司北豫因各人所統之地而

授以刺史魏收志定州治家龍城領弋陽汝陰安定新蔡北建寧郡皆蠻郡也水經注舉水出龜頭山西北流

逕家龍城南梁定州治

三月魏李世哲擊魯生等破之復置郡戍

復扶又翻

以益宗還洛陽授征南將軍金紫光祿大夫益宗

上表稱為桃符所讒及言魯生等為桃符逼逐使叛乞

攝桃符與臣對辯虛實詔不許曰既經大宥

謂已宥其謀叛之罪

不容方更為獄秋七月乙亥立皇子綸為邵陵王繹

為湘東王紀為武陵王 冬十月庚辰魏主遣驍騎將

軍馬義舒慰諭柔然

驍堅堯翻騎奇寄翻下同

魏王足之入寇也

事見一百四十六卷五年

上命寧州刺史涪人李略禦之

涪音浮

許事

平用為益州足退上不用略然望有異謀上殺之其兄

子苗犇魏步兵校尉泰山淳于誕嘗為益州主簿自漢

中入魏二人共說魏主以取蜀之策

說式苕翻

魏主信之辛

亥以司徒高肇為大將軍平蜀大都督將部騎十五萬

寇益州命益州刺史傅豎眼出巴北

巴北巴郡以北也巴西郡梁置北巴

州閬中縣梁置北巴郡

梁州刺史羊祉出涪城安西將

將即亮翻豎而庾翻

軍奚康生出綿竹撫軍將軍甄琛出劔閣

甄之人翻
琛丑林翻

乙

卯以中護軍元遙為征南將軍都督鎮遏梁楚

此梁楚
謂古梁

楚大界汴
汝之間也

游肇諫以為今頻年水旱百姓不宜勞役往

昔開拓皆因城主歸款故有征無戰

不因薛安都常珍
奇沈文秀魏不得

淮汝青徐不因裴叔業魏不得青陽
游肇之言可謂深知當時疆事者

今之陳事者真偽

難分或有怨於彼不可全信蜀地險隘鎮戍無隙豈得
虛承浮說而動大軍舉不慎始悔將何及不從以淳于

誕為驍騎將軍假李苗龍驤將軍皆領鄉導統軍

以統軍鄉

導因以名官驍堅堯翻騎奇寄翻驤思將翻鄉讀曰鄉

魏降人王足陳計

王足來奔

見上卷六年降下江翻

求堰淮水以灌壽陽上以為然使水工陳

承伯材官將軍祖暄視地形

暄古鄧翻

咸謂淮內沙土漂輕

不堅實功不可就上弗聽發徐揚民率二十戶取五丁

以築之假太子右衛率康絢都督淮上諸軍事并護堰

作於鍾離

康絢護堰作而置司於鍾離率所律翻絢許縣翻

役人及戰士合二

十萬南起浮山北抵嶠石

水經注淮水自鍾離縣又東逕浮山山北對嶠石山嶠助

街翻杜佑曰浮山堰在濠州城西一百一十二里

依岸築土合脊於中流 魏

以前定州刺史楊津為華州刺史

化華戶翻

津椿之弟也先

是官受調絹尺度特長任事因緣共相進退

先悉薦翻調徒吊翻

下同任事謂任受絹之事者也任音壬因緣謂因緣為姦進退謂有賂者則進而為長無賂者則退而為短

百姓苦之津令悉依公尺其輸物尤善者賜以杯酒所

輸少劣亦為受之

少詩治翻為于偽翻

但無酒以示恥於是人競

相勸官調更勝舊日

魏太子尚幼每出入東宮左右

乳母而已宮臣皆不知之

詹事楊昱上言乞自今召

太子必降手敕令臣等翼從

從才用翻

魏主從之命宮臣在

直者從至萬歲門

萬歲門蓋洛陽宮城之東門

魏御史中尉王顯

問治書侍御史陽固曰

治直之翻

吾作太府卿府庫充實卿

以為何如固曰公收百官之祿四分之一州郡贓贖悉

輸京師以此充府未足為多且有聚斂之臣寧有盜臣

記大學之言
斂力瞻翻

可不戒哉顯不悅因事奏免固官

資治通鑑卷一百四十七



總校官庶吉士臣侍朝

校對官檢討臣王坦修

謄錄監生臣秦長馨

欽定四庫全書薈要

史部

資治通鑑卷一百四十八



詳校官編修臣汪鏞

資治通鑑卷一百四十八 宋 司馬光 撰

胡三省 音註

梁紀四

起海蒙協洽盡著
雍闓茂凡四年

高祖武皇帝四

天監十四年春正月乙巳朔上冠太子於太極殿

古者冠於

廟冠古
玩翻

大赦

辛亥上祀南郊

甲寅魏主有疾丁巳

殂于式乾殿

年三十三謚宣武
皇帝廟號世宗

侍中中書監太子少傅

崔光侍中領軍將軍于忠詹事王顯中庶子代人侯剛

迎太子詔於東宮至顯陽殿王顯欲須明行即位禮須待

也崔光曰天位不可暫曠何待至明顯曰須奏中宮光

曰帝崩太子立國之常典何須中宮令也於是光等請

太子止哭立於東序于忠與黃門郎元昭扶太子西面

哭十餘聲止光攝太尉奉策進璽綬璽斯氏翻太子跪

受服袞冕之服御太極殿即皇帝位帝諱詡宣武皇帝之第二子光

等與夜直羣官立庭中北面稽首稱萬歲舍梓不暇集百官備高氏

也稽昭遵之曾孫也

魏畧陽公遵見一百八
卷晉孝武太元二十年

高后欲殺

胡貴嬪中給事譙郡劉騰以告侯剛

中給事宦官也北
齊之制中侍中省

有中侍中中常侍中
給事中蓋因魏制

剛以告于忠忠問計於崔光光使

置貴嬪於別所嚴加守衛由是貴嬪深德四人

為劉騰
等亂政

崔光尊寵而不
能矯正張本

戊午魏大赦己未悉召西伐東防兵

西伐

謂代蜀之兵東
防謂防淮之兵

驃騎大將軍廣平王懷扶疾入臨

驃騎
妙翻

騎奇寄翻
臨力錫翻

徑至太極西廡哀慟呼侍中領軍黃門二衛

二衛始於晉初左右衛將軍統之
此二衛即謂左右衛將軍盧普武

云身欲上殿哭大行

又須入見主上衆皆愕然相視無敢對者崔光攘袂振

杖見賢通翻袞吐引漢光武崩趙熹扶諸王下殿故事

雷翻振舉也

事見四十四卷聲色甚厲聞者莫不稱善懷聲淚俱止

光武中元二年

曰侍中以古義裁我我敢不服遂還仍頻遣左右致謝

先是高肇擅權尤忌宗室有時望者太子太傅任城王

澄數為肇所譖懼不自全

憇彭城王認之禍也先悉屬翻任音士數所角翻

乃

終日酣飲

酣戶甘翻

所為如狂朝廷機要無所關豫及世宗

殂肇擁兵於外

謂高肇方擁代蜀之兵也

朝野不安于忠與門下議

門下省侍中等官居之朝直通鑑

以肅宗幼未能親政宜使太保高陽

王雍入居西柏堂省決庶政

省悉景朝

以任城王澄為尚書

令總攝百揆奏皇后請即敕授

請即以手敕授二王倉猝不及下詔慮有沮閣

也者王顯素有寵於世宗恃勢使威為眾所疾恐不為澄

等所容與中常侍孫伏連等密謀寢門下之奏矯皇后

令以高肇錄尚書事以顯與勃海公高猛同為侍中于

忠等聞之託以侍療無効執顯於禁中

觀此則侍御師王顯詹事王顯

又似一人下詔削爵任顯臨執呼冤直問以刀鏃撞其掖下

種直江翻掖與掖同送右衛府一宿而死庚申下詔如門下所奏

百官總已聽於二王中外悅服二月庚辰尊皇后為皇

太后魏主稱名為書告哀於高肇且召之還肇承變憂

懼承告哀之變也朝夕哭泣至於羸悴羸倫為翻歸至瀝澗書

悴秦醉翻

我

乃卜澗水東瀝水西水經瀝水出河南穀城縣北山東
與千金渠合又東過洛陽縣南又東過偃師縣又東入
于洛澗水出新安縣南白石山東南入于洛此瀝澗直
謂瀝水非如書及水經之瀝澗為二水也瀝直連翻

家人迎之不與相見辛巳至闕下衰服號哭衰土回翻

號戶刀翻

升太極殿盡哀高陽王雍與于忠密謀伏直寢邢豹等

十餘人於舍人省下

舍人省即中書省通事舍人宿直之所

肇哭畢引入

西廡

廡音武

清河諸王皆竊言目之肇入省豹等搯殺之

搯於革翻

下詔暴其罪惡稱肇自盡自餘親黨悉無所問削

除職爵葬以士禮逮昏於厠門出尸歸其家 魏之伐

蜀也軍至壽陽蜀人震恐傅豎眼將步兵三萬擊巴北

上遣寧州刺史任太洪自陰平間道入其州

傅豎眼以益州刺史

鎮壽壽此陰平非鄧艾所由之陰平今利州之陰平縣是也間古莧翻豎而庚翻將即亮翻任音壬招誘

氏蜀絕魏運路

氏蜀氏人及蜀人也誘音酉

會魏大軍北還太洪襲

破魏東洛除口二戍

唐利州景谷縣舊白水縣也置東洛郡後周省郡入平興郡隋又廢

平興為景谷縣水經漢水過大小黃金南東合遠蔭口注云遠蔭水出就谷南歷遠蔭溪又南流注于漢謂之

蔭聲言梁兵繼至氏蜀翕然從之太洪進圍關城豎眼

遣統軍姜喜等擊太洪大破之太洪棄關城走還

關城即白

水關城

癸未魏以高陽王雍為太傅領太尉清河王懌

為司徒廣平王懷為司空甲午魏葬宣武皇帝于景

陵廟號世宗己亥尊胡貴嬪為皇太妃三月甲辰朔以

高太后為尼徙居金墉瑤光寺

子無廢母之義魏之亂亡宜矣按魏廢后率居

璵光寺馮后
高后是也

非大節慶不得入宮
魏左僕射郭祚表

稱蕭衍狂悖謀斷川瀆

謂渠浮山堰也悖
蒲妹翻斷丁管翻

役苦民勞危

亡已兆宜命將出師長驅撲討

將即亮翻
撲普木翻

魏詔平南將

軍楊大眼督諸軍鎮荆山

水經淮水過塗山北而後至
荆山今塗山在鍾離縣西九

十五里荆山在鍾
離縣西八十三里

魏于忠既居門下又總宿衛

門下
謂為

侍中宿衛
謂為領軍

遂專朝政權傾一時

朝直
遙翻

初太和中軍國多

事高祖以用度不足百官之祿四分減一忠悉命歸所

減之祿舊制民稅絹一匹別輸綿八兩布一匹別輸麻

十五勛忠悉罷之乙丑詔文武羣官各進位一級

史言于忠

擅親欲
壯衆心

夏四月浮山堰成而復潰或言蛟龍能乘風

雨破堰其性惡鐵

復扶又翻
惡烏路翻

乃運東西冶鐵器數千萬

勛沈之

建康有東西二冶各置
治令以掌之沈特林翻

亦不能合乃伐樹為井

幹

井幹井欄也言疊木為井幹之形幹楊
子注及西都賦注音寒莊子音如字

填以巨石加

土其上緣淮百里內木石無巨細皆盡負擔者肩上皆

穿夏日疾疫死者相枕

檐都濫翻
枕職任翻

蠅蟲晝夜聲合魏

梁州刺史薛懷吉破叛氏於沮水

水經汚水出武都沮
縣東狼谷中又東南

流還沮水戍注云河水一名沮水關駟曰以懷吉真度其初出沮如然故曰沮水師古曰沮千余翻

之子也

薛真度見一百四十年

五月甲寅南秦州刺史崔

暹又破叛氏解武興之圍

魏南秦州治駱谷城領天水漢陽武都武階脩武仇池郡

此時蓋叛氏圖武興也

六月魏冀州沙門曇慶以妖幻惑衆

妖

驕翻幻戶辨翻

與勃海人李歸伯作亂推曇慶為主曇慶以尼

惠暉為妻以歸伯為十住菩薩平魔軍司定漢王

魏書法慶

以殺一人者為一住菩薩殺十人者為十住菩薩菩薩薄乎翻薩桑葛翻

自號大乘又合狂

藥合音

令人服之父子兄弟不復相識

復扶又翻

唯以殺害

為事刺史蕭寶寅遣兼長史崔伯麟擊之伯麟敗死

力驕

珍賊眾益盛所在毀寺舍斬僧尼燒經像云新佛出世

除去眾魔

去羌呂翻

秋七月丁未詔假右光祿大夫元遙征

北大將軍以討之

假者未正以征北大將軍校之

魏尚書裴植自謂

人門不後王肅

植義叔業之兄子也後戶遼翻

以朝廷處之不高

處昌呂翻

意常快快

快於兩翻

表請解官隱嵩山世宗不許深怪之及

為尚書志氣驕滿每謂人曰非我須尚書尚書亦須我

每入參議論好面譏毀羣官

好呼劉翻

又表征南將軍田益

宗言中外各異不應北人居南人之上于忠元昭見之

切齒

忠昭皆北人故深諱此言

尚書左僕射郭祚冒進不已自以東

宮師傅望封侯儀同

天監十年魏以祚領太子少師

詔以祚為都督雍

岐華三州諸軍事征西將軍雍州刺史

魏太和十一年置岐州治雍城

鎮領

平秦武都武功三郡雍於用翻華戶化翻

祚與植皆惡于忠專橫密勸高

陽王雍使出之忠聞之大怒令有司誣奏其罪尚書奏

羊祉告植姑子皇甫仲達云受植旨詐稱被詔

惡烏路翻橫戶

孟翻被

帥合部曲欲圖于忠

帥讀曰率下同

臣等窮治辭不伏

皮義翻

引伏引猶引伏也治直之翻

然衆證明晒

晒音丙

準律當死衆證雖不

見植皆言仲達為植所使植召仲達責問而不告列推

論情狀不同之理不可分明不得同之常獄有所降減

計同仲達處植死刑

處呂昌翻下裁處同

植親帥城衆附從王化

謂齊東昏侯永元二年植以壽陽降魏

依律上議

謂依八議之律也上時掌翻

乞賜裁

處處呂昌翻忠矯詔曰凶謀既爾罪不當恕雖有歸化之誠

無容上議亦不須待秋分

魏舊制秋分然後決死刑

八月己亥植與

郭祚及都水使者杜陵韋偶皆賜死儻祚之昏家也忠

又欲殺高陽王雍崔光固執不從乃免雍官以王還第

朝野冤憤莫不切齒

使疏吏翻朝直送翻

丙子魏尊胡太妃為

皇太后居崇訓宮于忠領崇訓衛尉劉騰為崇訓太僕

加侍中侯剛為侍中撫軍將軍

三人者胡后所深德者也

又以太后

父國珍為光祿大夫 庚辰定州刺史田超秀帥眾三

千降魏

超秀叛魏見上卷上年帥請曰率降戶江翻

戊子魏大赦

己丑

魏清河王懌進位太傅領太尉廣平王懷為太保領司

徒任城王澄為司空庚寅魏以車騎大將軍于忠為尚

書令特進崔光為車騎大將軍並加開府儀同三司

任音

壬騎奇寄
翻下同

魏江陽王繼熙之曾孫也

熙道武之子

先為青

州刺史坐以良人為婢奪爵繼子又娶胡太后妹壬辰

詔復繼本封以又為通直散騎侍郎又妻為新平郡君

仍拜女侍中

為元又因靈太后
張本散悉重翻

羣臣奏請太后臨朝稱

制九月乙未靈太后始臨朝聽政

胡太后
謚曰靈

猶稱令以行

事羣臣上書稱殿下太后聰悟頗好讀書屬文射能中

針孔

好呼到翻屬之
欲翻中竹仲翻

政事皆手筆自決加胡國珍侍中

封安定公自郭祚等死詔令生殺皆出于忠王公畏之

重足脅息

重直龍翻脅息者屏氣鼻不敢息唯兩脅潛動以舒氣息耳

太后既親政

乃解忠侍中領軍崇訓衛尉止為儀同三司尚書令後

旬餘太后引門下侍官於崇訓宮

門下侍官自侍中至散騎常侍侍郎崇訓

宮蓋太后所居宮也

問曰忠在端右聲望何如咸曰不稱厥任

尺稱

乃出忠為都督冀定瀛三州諸軍事征北大將軍冀

州刺史以司空澄領尚書令澄奏安定公宜出入禁中

參詔大務詔從之

人之老也戒之在得任城王澄血氣衰矣

甲寅魏元遙

破大乘賊擒灋慶并渠帥百餘人

帥所類

傳首洛陽

左

遊擊將軍趙祖悅襲魏西硤石

水經淮水東過壽春縣北又北遶山峽中謂之

峽石對岸山上結二城以防津要在淮水西岸者謂之西硤石杜佑曰潁州下蔡縣有硤石山梁築城以拒魏

今縣城也據之以逼壽陽更築外城徙緣淮之以實城內

將軍田道龍等散攻諸戍魏揚州刺史本宗分遣諸將

拒之

將即亮翻

癸亥魏遣假鎮南將軍崔亮攻西硤石又遣

鎮東將軍蕭寶寅決淮堰冬十月乙酉魏以胡國珍

為中書監儀同三司侍中如故甲午弘化太守杜桂

舉郡降魏

弘化地關蓋亦緣邊蠻郡也降戶江翻

初魏于忠用事自言

世宗許其優轉太傅雍等皆不敢違加忠車騎大將軍忠又自謂新故之際有定社稷之功諷百僚令加已賞雍等議封忠常山郡公忠又難於獨受乃諷朝廷同在門下者皆加封邑雍等不得已復封崔光為博平縣公而尚書元昭等上訴不已

魏主之立也元昭亦同在門下故上訴不已復扶又翻上

時掌

太后敕公卿再議太傅懌等上言先帝升遐

記曲禮曰

告喪曰天王登假注云登上也遐已也上已者若仙去云耳登即升也假讀與遐同

奉迎乘輿侍

衛省聞乃臣子常職

乘繩證翻

不容以此為功臣等前議授

忠茅土正以畏其威權苟免暴戾故也若以功過相除

悉不應賞請皆追奪崔光亦奉送章綬茅土表十餘上

太后從之高陽王雍上表自劾稱臣初入柏堂見詔旨

之行一由門下臣出君行深知其不可而不能禁

謂殺生予

奪皆出於于忠之意而以詔旨行之上時掌翻勅戶牒翻又戶得翻

于忠專權生殺自恣

而臣不能違忠規欲殺臣賴在事執拒

在事謂在位任事之臣此指言

崔光執拒謂執不可而拒忠

臣欲出忠於外在心未行反為忠廢忝

官尸祿孤負恩私請返私門伏聽司敗

司敗即司寇也

太后以

忠有保護之功不問其罪十二月辛丑以忠為太師領

司州牧尋復錄尚書事與太傅懌太保懷侍中胡國珍

入居門下同釐庶政

復扶又翻釐力之翻治也

己酉魏崔亮至硤

石趙祖悅逆戰而敗閉城自守亮進圍之丁卯魏主

及太后謁景陵是冬寒甚淮泗盡凍浮山堰士卒死

者什七八魏益州刺史傅豎眼性清素民獫懷之龍

驤將軍元灋僧代豎眼為益州刺史

此魏之東益州也豎而庚翻獫魯皓

翻驤思

素無治幹加以貪殘

治直史翻

王賈諸姓本州士族

灋僧皆召為兵戡萌民任令宗因衆心之患魏也殺魏

晉壽太守以城來降民獠多應之

戡音家任音主守式又翻降戶江翻獠魯

皓翻益州刺史鄱陽王恢遣巴西梓潼二郡太守張齊將

兵三萬迎之

將即亮翻

灋僧熙之曾孫也

魏岐州刺史趙

王謐幹之子也

趙郡王幹見一百四十卷齊明帝建武二年此於王謐之上逸郡字

為政

暴虐一旦閉城門大索執人而掠之

索山客翻掠音亮

楚毒備

至又無故斬六人闔城兇懼衆遂大呼屯門

兇許拱翻呼火故翻

謚登樓毀梯以自固胡太后遣游擊將軍王靖馳駟諭

城人城人開門謝罪奉送管籥乃罷謚刺史謚妃太后

從女也至洛除大司農卿

史言魏母后擅朝城狐社鼠有所依憑駟音日從才用翻

太后以魏主尚幼未能親祭欲代行祭事禮官博議以

為不可太后以問侍中崔光光引漢和熹鄧太后祭宗

廟故事太后大悅遂攝行祭事

史言崔光逢女主之惡

魏南荆

州刺史桓叔興表請不隸東荊州許之

南荆隸東荆見上卷十一年

十五年春正月戊辰朔魏大赦改元熙平

魏崔亮攻

硤石未下與李崇約水陸俱進崇屢違期不至

李崇時鎮壽陽

胡太后以諸將不壹乃以吏部尚書李平為使持節鎮

軍大將軍兼尚書右僕射將步騎二千赴壽陽別為行

臺節度諸軍

將即亮翻使院吏翻騎奇寄翻

如有乖異以軍灋從事蕭

寶寅遣輕車將軍劉智文等渡淮攻破三壘二月乙巳

又敗將軍垣孟孫等於淮北

敗補邁翻

李平至硤石督李崇

崔亮等水陸進攻無敢乖互

乖異也互差也

戰屢有功上使左

衛將軍昌義之將兵救浮山未至康絢已擊魏兵却之

絢許縣翻

考異曰絢傳十二月魏遣李曇定督衆軍

朱戰按魏帝紀此年正月乃遣李平節度諸軍絢傳誤

也曇定即

上使義之與直閭王神念泝淮救硤石

泝蘇

平字也

考異曰李崇傳衍遣趙祖悅襲據西硤石又遣義之

神念泝水軍泝淮而上規取壽春按義之傳絢破魏軍

義之乃救硤

崔亮遣將軍博陵崔延伯守下蔡

下蔡縣漢屬沛

郡探置下蔡郡屬豫州水經注淮水自硤石北逕下蔡

故城東本州來之域也吳季札始邑延陵後邑州來故

曰延州來季子春秋襄二年蔡成公自新蔡遷于州來

謂之下蔡淮之東岸又有一城下蔡新城也二城對據

翼帶淮墳按蔡有三蔡州上蔡縣蔡仲始封之邑也又

有析蔡蔡平侯自上蔡遷都于此又有下蔡縣蔡成公

所遷

延伯與別將伊襲生夾淮為營延伯取車輪去輜

削銳其輻兩兩接對捺竹為絙

將即亮翻去羌呂翻輻扶舫翻車之牙車輻也

輻方目翻輪轆也捺人九翻絙古恒翻大索也

貫連相屬竝十餘道橫水為橋

兩頭施大鹿盧

鹿盧圓轉之木屬之故翻

出沒隨意不可燒斫既斷

趙祖悅走路又令戰艦不通義之神念屯梁城不得進

嗚呼吾國之失襄陽亦以水陸接斷而諸將不進也斷丁管翻艦戶點翻

李平部分水陸攻

硤石

分扶翻

克其外城乙丑祖悅出降斬之盡俘其衆

江翻胡太后賜崔亮書使乘勝深入平部分諸將水陸並

進攻浮山堰亮違平節度以疾請還隨表輒發平奏處

亮死刑

處呂翻

太后令曰亮去留自擅違我經畧雖有小

捷宜免大咎但吾攝御萬機庶幾惡殺

幾居依翻惡烏故翻亮崔光之

族弟也故平素不行

可聽特以功補過魏師遂還

還從宣翻又如字

魏

中尉元匡奏彈于忠幸國大災專擅朝命裴郭受冤

謂裴

植郭祚彈徒丹翻朝直達翻

宰輔黜辱

謂高陽王雍被黜後又以校忠茅土乞自貶退也

又

自矯旨為儀同三司尚書令領崇訓衛尉原其此意欲

以無上自處

處呂翻下尉處同

既事在恩後

恩後謂赦恩之後也

宜加顯

戮請遣御史一人就州行決

于忠時為冀州刺史欲就州戮之

自去歲

世宗晏駕以後皇太后未親覽以前諸不由階級或發

門下詔書或由中書宣敕檀相拜授者已經恩宥止可

免罪竝宜追奪太后令曰忠已蒙特原無宜追罪餘如

奏匡又彈侍中侯剛掠殺羽林

掠音亮下同

剛本以善烹調

為尚食典御

嘗食典御魏官也掌調和御食溫涼寒熱以時供進則嘗之或曰嘗當作尚半去二

字通

凡三十年以有德於太后

事見上年

頗專恣用事王公

皆畏附之廷尉處剛大辟

辟毗亦翻

太后曰剛因公事掠人

邂逅致死於律不坐少卿陳郡袁翻曰邂逅謂情狀已

露隱避不引

不引謂不引伏也選戶介翻迨戶遶翻

考訊以理者也今此

羽林問則具首

首武又翻

剛口唱打殺梟築非理安得謂之

邂逅

越則瓜翻

太后乃剗剛戶三百解尚食典御 三月戊

戌朔日有食之

魏論西硖石之功辛未以李宗為驃

騎將軍加儀同三司

驃匹妙翻騎奇寄翻

李平為尚書右僕射崔

亮進號鎮北將軍亮與平爭功於禁中太后以亮為殿

中尚書

魏蕭寶寅在淮堰上為手書誘之使襲彭城

許送其國廟及室家諸從還北

諸從猶羣從也從才用翻

寶寅表上

其書於魏朝

上時掌翻
朝直送翻

夏四月淮堰成長九里下廣

一百四十丈上廣四十五丈高二十丈樹以杞柳

長直亮翻

廣古曠翻高居疏
翻杞柳柜柳也

軍壘列居其上或謂康絢曰四瀆天

所以節宣其氣不可久塞

國語周太子晉曰古之長民
者不墮山不崇藪不防川不

實澤夫山土之聚也藪物之歸也川氣之導也澤水之
鍾也天地成而聚於高歸物於下疏為川谷以導其氣
陂塘汚庫以鍾
其美塞悉則翻若鑿蔡東注則游波寬緩堰得不壞絢

乃開蔡東注又縱反間於魏曰梁人所懼開蔡不畏野

戰蕭寶寅信之鑿山深五丈開蔡北注水日夜分流猶

不減

丁度集韻衆與湫同將由翻問古莧翻殊式沒翻

魏軍竟罷歸水之所及

夾淮方數百里李崇作浮橋於硤石戍間又築魏昌城

於八公山東南以備壽陽城壞居民散就岡隴

山脊為岡高丘

為隴其水清徹俯視廬舍冢墓了然在下初堰起於徐州

境內

浮山在鍾離郡界梁置徐州於鍾離

刺史張豹子宣言謂己必掌其

事既而康絢以他官來監作

監古銜翻

豹子甚慙俄而敕豹

子受絢節度豹子遂譖絢與魏交通上雖不納猶以事

畢徵絢還

絢還則堰壞矣

魏胡太后追思于忠之功曰豈宜

以一謬棄其餘勳

胡后以子忠擁護為功若忠之專橫其謬固非一也

復封忠為

靈壽縣公

復扶又翻

亦封崔光為平恩縣侯

魏元瀟僧遣

其子景隆將兵拒張齊

將即亮翻下同

齊與戰於葭萌大破之

屠十餘城遂圍武興瀟僧嬰城自守境內皆叛瀟僧遣

使間道告急於魏

使統吏翻間古莧翻

魏驛召鎮南軍司傅豎眼

於淮南以為益州刺史西征都督將步騎三千以赴之

豎而庚翻駢奇寄翻

豎眼入境轉戰三日行二百餘里九遇皆捷

五月豎眼擊殺梁州刺史任太洪民獠聞豎眼至皆喜

迎拜於路者相繼

民孫惡漢僧而懷登眼故迎之者屬路任者士孫魯皓翻

張齊退

保白水登眼入州

興入武也

白水以東民皆安業魏梓潼太

守苟金龍領關城戍主梁兵至金龍疾病不堪部分

扶分

問其妻劉氏帥厲城民乘城拒戰

帥諸曰率

百有餘日士卒

死傷過半戍副高景謀叛劉氏斬景及其黨與數千人

數千當作數十

自餘將士分衣減食勞逸必同莫不畏而懷之

井在城外為梁兵所據會天大雨劉氏命出公私布絹

及衣服懸之絞而取水城中所有雜物悉儲之

雜物謂瓶罌甕

盛之豎眼至梁兵乃退魏人封其子為平昌縣子 六

月庚子以尚書令王瑩為左光祿大夫開府儀同三司

尚書右僕射袁昂為左僕射吏部尚書王暕為右僕射

暕儉之子也

暕古限翻王儉齊初佐命

張齊數出白水侵魏葭萌

傳豎眼遣虎威將軍強蚪攻信義將軍楊興起殺之復

取白水

數所角翻強其兩翻又如字復扶又翻下州復不復同

寧朔將軍王光昭

又敗於陰平張齊親帥驍勇二萬餘人與傳豎眼戰

豎眼

翻先秋七月齊軍大敗走還小劔大劔諸戍皆棄城走

劔今

州鉅門縣有大鉅山又有小鉅山在其西北三十里又有小鉅故城在益昌縣西南五十里大鉅雖號天險有阨塞可守崇墻之間徑路頗夷小鉅則鑿石架閣有不容越李白所謂一夫當關萬夫莫開者是也東益

州復入于魏 八月乙巳魏以胡國珍為驃騎大將軍

開府儀同三司雍州刺史

驃匹也翻騎奇寄翻雍於用翻

國珍年老太

后實不欲令出止欲示以方面之榮竟不行 康絢既

還張豹子不復脩淮堰九月丁丑淮水暴漲堰壞其聲

如雷聞三百里

聞音問

緣淮城戍村落十餘萬口皆漂入

海初魏人患淮堰以任城王澄為大將軍大都督南討

諸軍事勒衆十萬將出徐州來攻堰尚書右僕射李平

以爲不假兵力終當自壞及聞破太后大喜賞平甚厚

澄遂不行 壬辰大赦 魏胡太后數幸宗戚勲貴之

家數所翻侍中崔光表諫曰禮諸侯非問疾弔喪而入諸

臣之家謂之君臣爲讌記禮運之辭也注云無故而相

行父數如夏不言王后夫人明無適臣家之義夫人父

母在有歸寧沒則使卿寧左傳莊二十七年冬杞伯姬

母安否襄十二年楚司馬子庚聘于秦爲夫人寧禮也注曰諸侯夫人父母既沒歸寧使卿故曰禮 漢上

官皇后將廢昌邑霍光外祖也親為宰輔后猶御武帳

以接羣臣

事見二十四卷漢昭帝元平元年

示男女之別也

別彼列朝

今帝

族方行勲貴增遷祇請遂多將成典式

方衍謂生子也增遷謂增秩遷

官也祇敬也謂宗戚勲貴之家凡有吉慶皆請太后臨幸

願陛下簡息遊幸則率土

屬賴含生仰悅矣

屬之欲翻下請屬同

任城王澄以北邊鎮將選

舉彌輕

將即亮翻

恐賊虜闕邊山陵危迫

魏自顯祖以上山陵皆在雲中

奏

求重鎮將之選脩警備之嚴詔公卿議之廷尉少卿表

翻議

秦漢以來九卿各一卿魏太和十五年九卿各置少卿蓋倣周官六卿有小宰小司徒小宗伯小司

馬小司寇小司以為比緣邊州郡官不擇人唯論資級

空之遺制也

或值貪污之人廣開戍邏多置帥領或用其左右姻親

或受人貨財請屬皆無防寇之心唯有聚斂之意

比毗至翻

邏卽佐翻帥所類翻屬之欲翻斂力賂翻

其勇力之兵驅令抄掠若遇彊敵

卽為奴虜如有執獲奪為己富其羸弱老小之輩微解

金鐵之工少開草木之作

抄楚交翻羸倫為翻解戶買翻曉也閑習也

無不

搜營窮壘苦役百端自餘或伐木深山或芸草平陸販

質往還相望道路此等祿既不多貨亦有限皆收其實

絹給其虛粟窮其力薄其衣用其功節其食綿冬歷夏加之疾苦死於溝瀆者什常七八

自古至今守邊之兵皆病於此賢者茂

是以鄰敵伺間擾我疆場皆由邊任不得其人故也愚謂自今已後南北邊諸藩及所統郡縣府佐統軍至于戍主皆令朝臣王公已下各舉所知必選其才不拘階級若稱職及敗官并所舉之人隨事賞罰太后不能用

問古蒐翻場音亦朝直送翻稱尺證翻敗補遺翻

及正光之末北邊盜賊羣起

遂逼舊都犯山陵如澄所慮

正光四年破六韓拔陵衛可孤等反孝昌初年雲中

漢 冬十一月交州刺史李震斬交州反者阮宗孝傳

首建康

夏祭色謝

初魏世宗作瑤光寺未就是歲胡太后

又作永寧寺

水經注穀渠南流出太尉司徒兩坊間水西有永寧寺

皆在宮側又

作石窟寺於伊闕口皆極土木之美而永寧尤盛有金

像高丈八者一如中人者十玉像二為九層浮圖掘地

築基下及黃泉

杜預曰地中之泉故曰黃泉

浮圖高九十丈上剝復

高十丈

高居報翻剝所轄翻剝柱也浮圖上柱今謂之相輪復扶又翻

每夜靜鈴鐸聲

聞十里

聞音

佛殿如太極殿南門如端門僧房千間珠

玉錦繡駭人心目自佛瀦入中國塔廟之盛未之有也

漢永明中佛瀦入中國佛弟子收奉舍利建揚州刺史宮宇號為塔亦胡言猶宗廟也故世稱塔廟

李崇上表以為高祖遷都垂三十年

遷都見一百三十八卷齊世宗永明

十一年明堂未脩太學荒廢城闕府寺頗亦頽壞非所以

追隆堂構

書大誥曰若考作室既底法厥子乃弗肯堂矧肯構

儀刑萬國者也今

國子雖有學官之名而無教授之實何異兔絲燕麥南

箕北斗

爾雅曰唐蒙女蘿兔絲釋名曰唐也蒙也女蘿也兔絲也一物四名毛氏詩傳曰女蘿兔絲兔

絲松蘿也陸機草木疏曰兔絲蔓連草上生黃赤如金合樂兔絲子是也松蘿自蔓松上生枝正青與兔絲殊

異本草曰兔絲生川澤田野蔓延草木之上翟麥一名
燕麥又名雀麥其苗與麥同但穗細長而疎言兔絲有
絲之名而不可以織燕麥有麥之名而不可以食古歌
曰田中兔絲如何可結道邊燕麥何嘗可穫詩云維南
有箕不可以簸楊維北有斗不可以挹酒漿皆謂有名無實也

事不兩興須有進退宜

罷尚方雕靡之作省永寧土木之功減瑤光材瓦之力

分石窟鑿琢之勞及諸事役非急者於三時農隙脩此

數條使國容嚴顯禮化興行不亦休哉太后優令答之

而不用其言

為後胡國珍卒胡太后為太
上君造寺壯麗均永寧張本

太后好事佛

民多絕戶為沙門

家有一子出為沙門
其戶絕矣好乎到翻

高陽王友李瑒

上言三千之罪莫大於不孝不孝之大無過於絕祀

孔子

曰五刑之屬三千其罪莫大於不孝孟子曰不孝有三無後為大楊杖梗翻又音暢

豈得輕縱背

禮之情肆其向瀆之意一身親老棄家絕養缺當世之

禮而求將來之益

佛瀆以今世脩種為來生因果背蒲妹翻養余亮翻

孔子云未

知生焉知死

論語載孔子答子路之言焉於虔翻

安有棄堂堂之政而從

鬼教乎又今南服未靜眾役仍煩百姓之情實多避役

若復聽之恐捐棄孝慈比屋皆為沙門矣

復扶又翻比毗必翻又毗

至都統僧暹等忿場謂之鬼教以為謗佛

魏有沙門統謂之都統猶

今都僧錄泣訴於太后太后責之瑒曰天曰神地曰祇人曰

鬼傳曰明則有禮樂幽則有鬼神然則明者為堂堂幽

者為鬼教佛本出於人名之為鬼愚謂非謗太后雖知

瑒言為允難違還等之意罰瑒金一兩魏征南大將

軍田益宗求為東豫州刺史以招二子太后不許竟卒

於洛陽田益宗二子叛見上卷十三年辛子恤翻柔然伏跋可汗壯健善

用兵可從刊入聲汗音寒是歲西擊高車大破之執其王彌俄突

繫其足於驚馬頓曳殺之漆其頭為飲器彌俄突殺柔然汗見上

卷七
年 鄰國先羈屬柔然後叛去者伏跋皆擊滅之其國

復疆

復扶又翻
下賊復同

十六年春正月辛未上祀南郊 魏大承餘賊復相聚

沙門潘慶
之餘黨也

突入瀛州刺史宇文福之子員外散騎侍郎

延帥奴客拒之

散悉亶翻騎奇
寄翻帥詰曰率

賊燒齋閣延突火抱福

出外肌髮皆焦勒衆苦戰賊遂散走追討平之 甲戌

魏大赦 魏初民間皆不用錢高祖太和十九年始鑄

太和五銖錢遣錢工在所鼓鑄民有欲鑄錢者聽就官

鑪銅必精練無得散雜世宗永平三年又鑄五銖錢禁

天下用錢不依準式者既而洛陽及諸州鎮所用錢各

不同商貨不通尚書令任城王澄上言以為不行之錢

律有明式指謂雞眼鑲鑿

雞眼者謂錢薄小其眼如雞眼也鑲鑿云者謂鑲好以取

銅僅存其肉也銀戶闕翻

更無餘禁計河南諸州今所行悉非制限

昔來繩禁愚竊惑焉又河北既無新錢復禁舊者專以

單絲之縑踈縷之布狹幅促度不中常式

復杖又翻中竹仲翻裂

匹為尺以濟有無徒成杼軸之勞

行直呂翻說文機之持緯者

不免

饑寒之苦殆非所以救恤凍餒子育黎元之意也錢之

為用貫絳相屬

絳居兩翻亦錢音也屬之欲翻

不假度量平均簡易濟

世之宜謂為深允乞竝下諸方州鎮

易以取翻下退稼翻

其太和

與新鑄五銖及古諸錢方俗所使用者但內外全好雖

有大小之異竝得通行貴賤之差自依鄉價庶貨環海

內公私無壅其難眼錄鑒及盜鑄毀大為小生新巧偽

不如灋者據律罪之詔從之然河北少錢

少詩治翻

民猶用

物交易錢不入市

魏人多竊冒軍功尚書左丞盧同

閱吏部勲書因加檢覈

覈戶革翻

得竊階者三百餘人乃奏

乞集吏部中兵二局勲簿對句奏案

句古侯翻考也稽也

更造兩

通吏工衡翻

一闕吏部一留兵局又在軍斬首成一階以上

者即令行臺軍司給券當中豎裂一支付勲人一支送

門下

此韓愈寄崔立之詩所謂當如合分支者也今人亦謂析產文契為分支帳豎而度翻

以防

偽巧太后從之同玄之族孫也

盧玄見一百二十卷宋文帝元嘉八年

中

尉元匡奏取景明元年已來內外考簿吏部除書中兵

勲案并諸殿最

殿丁練翻

欲以案校竊階盜官之人太后許

之尚書令任城王澄表以為濫忌煩苛治貴清約

治直吏翻

御史之體風聞是司若聞有冒勲妄階止應攝其一簿

研檢虛實繩以典刑豈有移一省之案

取尚書省之案赴御史臺所謂

移也尋兩紀之事

自景明元年至是年凡十八年今言兩紀之事蓋景明初所叙階勲皆太和末

淮漢用兵所上勲人名籍也

如此求過誰堪其罪斯實聖朝所宜重

慎也太后乃止又以匡所言數不從慮其辭解

朝直達翻數所

前翻辭解者辭職解官也

欲獎安之乃加鎮東將軍二月丁未立匡

為東平王

為匡治棺攻澄張本

三月丙子敕織官文錦不得為

僊人鳥獸之形

鐵官猶漢之鐵室令丞也

為其裁翦有乖仁恕

偽翻

丁亥魏廣平文穆王懷卒夏四月戊申魏以中書

監胡國珍為司徒詔以宗廟用牲有累冥道

冥幽也幽則有

鬼神冥道鬼神之道也累力瑞翻

宜皆以麴為之

考異曰梁帝紀此詔在四月甲子南史

云在二月云祈告天地宗廟以去殺之理欲被之含識郊廟牲醴皆代以麴其山川諸祀則否按長厯是月辛卯朔無甲子隋志但云四月亦不云郊祀去牲今從之於是朝野諠譁以為宗廟

去牲乃是不復血食

去羗呂翻復扶又翻

帝竟不從八坐乃議以

大脯代一元大武

記曲禮牛曰一元大武鄭玄曰元頭也武迹也坐徂卧翻

秋八

月丁未詔魏太師高陽王雍入居門下參決尚書奏事

魏字當在詔字之上

冬十月詔以宗廟猶用脯脩

鄭玄曰脯乾肉也脩鍛脩

也薄析曰脯脩之而施薑桂曰鍛脩

更議代之於是以大餅代大脯其餘

盡用蔬果又起至敬殿景陽臺置七廟座每月中再設

淨饌

饌雜饌翻又雜脫翻

乙卯魏詔北京士民未遷者悉聽留

居為永業

魏以代都為北京

十一月甲子巴州刺史牟漢寵

叛降魏

五代志巴西郡梁置南梁州北巴州降戶江翻

十二月柔然伏跋可

汗遣侯斤尉比建等請和於魏

侯斤柔然大臣之號用侯渠希翻尉舒勿翻

用

敵國之禮 是歲以右衛將軍馮道根為豫州刺史道

根謹厚木訥行軍能檢敕士卒諸將爭功道根獨默然

為政清簡吏民懷之上嘗歎曰道根所在令朝廷不復

憶有一州 復扶又翻 魏尚書崔亮奏請於王屋等山採銅

鑄錢從之 五代志河內郡王屋縣有王屋山 是後民多私鑄錢稍薄小

用之益輕 是時錢輕南北皆然豈天時邪

十七年春正月甲子魏以氏首楊定為陰平王 首意由翻

魏秦州羌反 二月癸巳安成康王秀卒 卒子恤翻 秀雖與

上布衣昆弟及為君臣小心畏敬過於踈賤上益以此

賢之秀與弟始興王憺尤相友愛憺久為荊州常中分

其祿以給秀

秀憺皆吳太妃之子齊和帝中興元年憺督雍州天監元年進督荊州五年徵至郡

荊州總西夏之寄傳入優厚憺徒敢翻又徒覽翻

秀稱心受之

稱尺證翻

亦不辭多

也 甲辰大赦 己酉魏大赦改元神龜 魏東益州

氏反 魏主引見柔然使者

見賢通翻使疏吏翻

讓之以藩禮不

備議依漢待匈奴故事遣使報之

漢宣帝待呼韓邪位在諸侯王上蓋稱臣

也按張倫表諫與為昆弟蓋用漢文景故事

司農少卿張倫上表以為太祖

經啟帝圖日有不暇遂令豎子遊魂一方

謂道武南略社喻得以雄

跨漢北

亦由中國多虞急諸華而緩夷狄也高祖亦事南

轅未遑北伐

謂孝文南都洛陽用兵准漢末取代柔然也

世宗遵述遺志虜

使之來受而弗答

見百四十六卷六年

以為大明臨御國富兵彊

抗敵之禮何憚而為之何求而行之今虜雖慕德而來

亦欲觀我疆弱若使王人銜命虜庭與為昆弟恐非祖

宗之意也苟事不獲已應為制詔示以上下之儀命宰

臣致書諭以歸順之道觀其從違徐以恩威進退之則

王者之體正矣豈可以戎狄兼并

謂伏跋新破高車及滅鄰國之叛者也

而遽虧典禮乎不從倫白澤之子也

張白澤見一百三十四卷宋順帝昇

明元年

三月辛未魏靈壽武敬公于忠卒

魏南秦州

氏反遣龍驤將軍崔襲持節諭之

襲思將翻

夏四月丁酉

魏秦文宣公胡國珍卒贈假黃鉞相國都督中外諸軍

事太師號曰太上秦公葬以殊禮贈祔儀衛事極優厚

又迎太后母皇甫氏之柩與國珍合葬謂之太上秦孝

穆君

柩音舊

諫議大夫常山張普惠以為前世后父無稱

太上者太上之名不可施於人臣詣闕上疏陳之左右

莫敢為通

偽為子翻

會胡氏穿墻下有磐石乃密表以為天

無二日土無二王太上者因上而生名也皇太后稱令

以繫敕下蓋取三從之道遠同文母列於十亂

武王曰子有亂

臣十人孔子曰才難有婦人焉九人而已先儒以為十亂太公望周公旦召公奭畢公高榮公太顛閎夭散宜生南宮括及文母今司徒為太上恐乖繫敕之意孔子稱必也

正名乎

論語載孔子答子路之言

比克吉定兆

比吼至翻

而以淺改卜亦

或天地神靈所以垂至戒啟聖情也伏願停逼上之號

以邀謙光之福太后乃親至國珍宅召集五品以上博

議王公皆希太后意爭詰難普惠

詰去吉翻
難乃旦翻

普惠應機

辯析無能屈者太后使元義宣令於普惠曰朕之所行

孝子之志卿之所陳忠臣之道羣公已有成議卿不得

苦奪朕懷後有所見勿難言也太后為太上君造寺壯

麗埒於永寧尚書奏復徵民綿麻之稅

為于偽翻埒力
輟翻復杖又翻

下浸復復欲無
復欲復復見同

張普惠上疏以為高祖廢大斗去長尺

改重稱

去羌呂翻下去天下同稱尺證翻下稱尺
同事見一百四十卷齊明帝建武二年

以愛

民薄賦知軍國須綿麻之用故於絹增稅綿八兩於布

增稅麻十五觔民以稱尺所減不啻綿麻故鼓舞供調

調徒自茲以降所稅絹布浸復長濶百姓嗟怨聞於朝

野聞音問朝宰輔不尋其本在於幅廣度長遽罷綿麻

于忠罷綿麻既而尚書以國用不足復欲徵去天下

之大信棄已行之成詔斂力瞻翻追前之非遂後之失

不思庫中大有綿麻而羣臣共竊之也何則所輸之物

或斤羨百銖羨延面未聞有司依律以罪州郡或小有

濫惡則坐戶主連及三長

戶主者一家之長則為一戶之主三長見一百三十六卷

齊世祖永明四年

是以在庫絹布踰制者多羣臣受俸人求長

濶厚重無復準極未聞以端幅有餘還求輸官者也

布帛

六丈為端爾雅倍丈謂之端倍端謂之兩倍兩謂之匹杜預曰二丈為端二端為兩所謂疋也說文幅布帛廣也俸扶用翻今欲復調綿麻當先正稱尺明立嚴禁無得放

溢使天下知二聖之心愛民惜漙如此則太和之政復

見於神龜矣普惠又以魏主好遊騁苑囿

好呼到翻

不親視

朝

朝直通翻

過崇佛灋郊廟之事多委有司上疏切諫以為

殖不急之實業損巨費於生民減祿削力近供無事之

僧崇飾雲殿遠邀未然之報昧爽之臣稽首於外謂羣臣入

朝者也孔安國曰昧玄寂之衆遨遊於內愆禮忤時忤

實與明早旦稽音政人靈未穆愚謂脩朝夕之因求祇劫之果祇巨支翻釋氏之言

祇劫猶云無數劫也未若收萬國之懽心以事其親使天下和平

災害不生也用孝經文意伏願淑慎威儀淑善也為萬邦作式

躬致郊廟之虔親紆朔望之禮紆綦也屈也釋奠成均五帝之學

曰成均鄭玄曰釋菜奠幣禮先師也又曰釋奠者設薦饌酌奠而已孔穎達曰釋奠有牲牢有幣帛釋菜則惟

釋蘋藻而已

竭心千畝

千畝謂藉田也

量撤僧寺不急之華還復百

官久析之秩

量音良析而設翻

已造者務令簡約速成未造者

一切不復更為則孝弟可以通神明

弟謂曰悌

德教可以光

四海節用愛人澹俗俱賴矣尋敕外議釋奠之禮又自

是每月一陛見羣臣皆用普惠之言也普惠復表論時

政得失太后與帝引普惠於宣光殿隨事詰難

復扶又翻見賢

通翻難乃旦翻

臨川王宏妾弟吳澹壽殺人而匿於宏府中

上敕宏出之即日伏辜南司奏免宏官

御史臺曰南司臺亦曰南司

上

注曰愛宏者兄弟私親免宏者王者正灋所奏可五月

戊寅司徒驃騎大將軍揚州刺史臨川王宏免

驃騎奇妙

寄翻宏自洛口之敗

事見一百四十六卷五年

常懷愧憤都下每有竊

發輒以宏為名屢為有司所奏上每赦之上幸先宅寺

帝以三橋舊宅為先宅寺

有盜伏於驃騎航

宏府面秦淮於府南

三橋在秣陵縣同夏里

為浮橋謂之驃騎航以宏官名航也

待上夜出上將行心動乃於朱雀航

過事發稱為宏所使上泣謂宏曰我人才勝汝百倍當

此猶恐不堪汝何為者我非不能為漢文帝

謂誅淮南厲王長也

念汝愚耳宏頓首稱無之故因匿灋壽免宏官宏者偕

過度殖貨無厭

厭於鹽翻

庫屋垂百間

垂幾及也

在內堂之後闕

齋甚嚴

齋與鑰同闕壯也

有疑是鎧仗者密以聞

鎧可亥翻

上於友

愛甚厚殊不悅佗日送盛饌與宏愛妾江氏曰當來就

汝懽宴

饌雜懽翻又雜脫翻

獨攜故人射聲校尉丘佗卿往與宏

及江大飲半醉後謂曰我今欲履行汝後房

行下孟翻

即呼

興徑往堂後宏恐上見其貨賄顏色怖懼

賄呼罪翻怖普布翻

上

意益疑之於是屋屋檢視每錢百萬為一聚黃榜標之

千萬為一庫懸一紫標如此三十餘間上與佗卿屈指

計見錢三億餘萬

見賢通翻

餘屋貯布絹絲綿漆蜜紵蠟等

雜貨但見滿庫不知多少

貯丁呂翻紵直呂翻紵麻屬而細於麻少詩沼翻

上

始知非仗大悅謂曰阿六汝生計大可

宏於諸弟次第六阿從安入聲

乃更劇飲至夜舉燭而還

還從宜翻又如字

兄弟方更敦睦宏

都下有數十邸出懸錢立券每以田宅邸店懸上文契

上時掌翻

期訖便驅券主奪其宅都下東土百姓失業非一

上後知之制懸券不得復驅奪自此始

復扶又翻

侍中領軍

將軍吳平侯曷雅有風力為上所重軍國大事皆與議

決以為安右將軍監揚州

安右將軍帝所置百號將軍之一也曷音兩監工衛翻

曷自以越親居揚州

曷帝從父弟揚州京邑曷自以越同氣之親而居之故懇讓涕

泣懇讓上不許在州尤稱明斷

斷丁亂翻

符教嚴整辛己以

宏為中軍將軍中書監六月乙酉又以本號行司徒

本號

中軍將軍號也

臣光曰宏為將則覆三軍

將即亮翻

為臣則涉大逆高祖

貸其死罪可矣數旬之間還為三公於兄弟之恩誠

厚矣王者之灋果安在哉

初洛陽有漢所立三字石經

石經事見四十七卷漢靈帝熹平四年鄴道元曰蔡

邕正定五經文字刻石立於太學門外魏正始中又立古篆隸三字石經

雖屢經喪亂而初

無損失

喪息浪翻

及魏馮熙常伯夫相繼為洛州刺史

魏都平城

以洛陽為洛州既建洛始改為司州

毀取以建浮圖精舍遂大致頽落所

存者委於榛莽道俗隨意取之侍中領國子祭酒崔光

請遣官守視命國子博士李郁等補其殘缺胡太后許

之會元乂劉騰作亂事遂寢

乂騰作亂事見下卷普通二年

秋七月

魏河州羌卻鐵忽反自稱水池王

河州治枹罕領金城武始洪和臨洮郡水

池縣魏真君四年置郡後改為縣屬洪和郡隋併洪和郡為當夷縣其地在唐洮州臨潭縣界詔以主

客郎源子恭為行臺以討之

曹魏置尚書主客郎

子恭至河州嚴

勒州郡及諸軍毋得犯民一物亦不得輕與賊戰然後

示以威恩使知悔懼八月鐵忽等相帥詣子恭降首尾

不及二旬

言自子恭至河州及于賊降首尾不及二旬也帥讀曰率降戶江翻

子恭懷之

子也

源懷源賀之子歷事文成獻文孝文宣武

魏宦者劉騰手不解書

解戶

買翻而多姦謀善揣人意

揣初委翻

胡太后以其保護之功見

上十
四年累遷至侍中右光祿大夫遂干預政事納賂為人

求官無不效者

為子偽翻

河間王琛簡之子也

齊郡王簡見一百三十七

卷齊武帝永明九年琛丑林翻

為定州刺史以貪縱著名及罷州還太

后詔曰琛在定州唯不將中山宮來

後燕都中山建宮室魏克中山固以

為中山宮

自餘無所不致何可更復叙用

復扶又翻

遂廢于家琛

乃求為騰養息

養息即養子也

賂騰金寶鉅萬計騰為之言於

太后

為子偽翻

得兼都官尚書出為秦州刺史會騰疾篤太

后欲及其生而貴之九月癸未朔以騰為衛將軍加儀

同三司 魏胡太后以天文有變欲以崇憲高太后當

之戊申夜高太后暴卒冬十月丁卯以尼禮葬於北邙

尼女史謚曰順皇后百官單衣邪巾

古者二十成人士冠庶人巾邪巾者

邪厭於首於衰經喪冠而單衣邪巾示不成喪也

送至墓所事訖而除 乙亥

以臨川王宏為司徒

魏胡太后遣使者宋雲與比丘

惠生如西域求佛經

比丘僧也比丘至翻下連比丘同

司空任城王澄奏

昔高祖遷都制城內唯聽置僧尼寺各一餘皆毀於城

外蓋以道俗殊歸欲其淨居塵外故也正始三年沙門

統惠深始違前禁自是卷詔不行

卷諸曰捲

私謁彌衆都城

之中寺踰五百占奪民居三分且一屠沽塵穢連比雜

居

占之賻翻
比毗至翻

往者代北有灋秀之謀

事見一百三十五
卷齊太祖建元三

年冀州有大乘之變太和景明之制非徒使緇素殊途

盖亦以防微杜漸昔如來闡教多依山林

如來佛也

今此僧

徒戀著城邑

著直略翻

正以誘於利欲不能自已

誘音酉

此乃

釋氏之糟糠灋王之社鼠

灋王謂佛

內戒所不容

釋氏有戒

國

典所共棄也臣謂都城內寺未成可徙者宜悉徙於郭

外僧不滿五十者併小從大外州亦準此然卒不能行

卒子
恤翻

是歲魏太師雍等奏鹽池天藏

藏徂
浪翻

資育羣生

先朝為之禁限

朝直
逆翻

亦非苟與細民爭利但利起天池

取用無灋或豪貴封護或近民吝守貧弱遠來邈然絕

望因置主司令其裁察彊弱相兼務令得所什一之稅

自古有之所務者遠近齊平公私兩宜耳及甄琛啟求

禁集

事見一百四十六卷五
年甄之人翻琛且林翻

乃為繞池之民尉保光等

擅自固護語其障禁倍於官司取與自由貴賤任口

言
鹽

賈賤責任其
口之所出也
請依先朝禁之為便詔從之

資治通鑑卷一百四十八